

Ilanngussaq A



**Aningaasaqarnermut Aatsitassanullu
Naalakkersuisoq
-/ Maani**

Assilineri: Inatsisartut ataatsimiititaliaat

Ulloq: 07. september 2016

J.nr.: 01.31.11-00016

Naalakkersuisut 2017-imi aningaasanut inatsisissatut siunnersuutaat

1. Aallarniut

Aningaasaqarnermut Ataatsimiititaliap 2016-imi aningaasanut inatsisissatut siunnersuummut aallarniutitut apeqqutai oqaaseqaataalu matumuuna nassiunneqarput. Aningaasaqarnermut Ataatsimiititaliap 2016-imi augustimi Nanortalimmi missingersuutit pillugit isumasioqatigiinnermini aningaasaqarnermut inatsisissatut siunnersuummik tamarmiusumik misissuina apeqqutitut pingaarnertut tunngavigineqarpoq.

Allamik allassimasoqartinnagu quppernertut innersuussutit aningaasanut inatsisissatut siunnersuutit danskisuaanut innersuussutaapput.

2. Oqaasertaliussat

2.1. Naalakkersuisunut – Suliassaqaarfik 10-89 - Nr. 6-imut

- a) Aningaasanik immikkoortinneqartunik annertussusiliinertik Naalakkersuisunit qanoq ingerlappaat?
- b) Kia aalajangertarpaa ajornartorsiortoqarnerani iliuuseqartoqarnissaanik pisariaqartitsisoqartoq?
- c) Oqaasertaliussaq matumani pineqartoq aammalu konto pingaarnertut 20.11.50-imut oqaasertaliussaq qanoq imminnut ataqatigiippat?
- d) Oqaasertaliussaq una naapertorlugu aningaasanik atugassanngortitsinissap Aningaasaqarnermut Akileraartarnermullu Ataatsimiititaliamit siumoortumik akuersissutigineqarsimanissaata oqaasertaliussami matumani piumasaqaataannginneranut suna pissutaava?

2.2. Konto pingaarnertut 30.10.37-mut – Nuna tamakkerlugu meeqqanut inuusuttunullu ulloq unnuarlu paaqqinniffiit

Atuinerussutinik atuinikinnerussutinilluunniit nuussisarneq Naalakkersuisunit qanoq iluarsivigineqartarpa?

2.3. Konto pingaarnertut 30.13.07-imut – Danmarkimi Kalaallit Nunaannilu inissiinertut qitiusumik immikkoortitat

Nr. 3

- a) Danmarkimut inissiisarnerit ikilisarneqarnissaat Naalakkersuisunit sulissutigineqalersarpa, taamaassimappallu suna tunngavigineqassava?

- b) Konto pingaarnermut 30.13.41-mut tunngatillugu aalajangersakkamik taamaaqqa-taanik sooq ilanngussisoqanngila?

3. Nalinginnaasumik nassuiaatit

Allamik allassimasoqartinnagu quppernernut innersuussutit aningaasanut inatsisissatut siunnersuutip danskisuaanut innersuussutaapput.

3.1. Immikkoortoq 3. Aningaasaqarnikkut inissisimaneq, qupperneq 93

2016-imi BNP-mi 5 %-imik annertutigisumik ineriartortoqarnerunissaa naatsorsuutigineqartoq Naalakkersuisut paasissutissiisutigaat. Ineriartornerup taassuma ilaa qanoq annertutigisisoq aalisarnermut sanaartornermullu tunngasunik pissuteqarpa?

3.2. Immikkoortoq 3.1, Akiitsoqarnerup nikerarnera, qupperneq 94

- a) Akiitsunut tamarmiusunut qup. 95-imi takussutissiami Nammiorsorlutik Oqartussat suliffeqarfiutaat suliffeqarfiillu imminnut aquttut tamarmik ilaappat?
- b) Mittarfiit nutaat nalunaarsukkanut ilaatinneqassappata akiitsoqarnerup nikerarnera qanoq ittussatut naatsorsuutigineqarsinnaava?
- c) Kommunit siunissami akiitsoqarnikkut inissisimanagerat pillugu kommunit Aningaasaqarnermut Naalakkersuisoqarfimmit oqaloqatigineqareeripata ilisimatinneqarnissaq ataatsimiititaliamit kissaatigineqarpoq.
- d) Akiitsunut periusissaq naapertorlugu akiitsornissamut killissarititaasoq qanoq qanitsigineqarpa?
- e) Qasigannguani Aasiannilu nukissiorfinnik nutaterinissamut pilersaarutit sulii atuuppat?
- f) Akiitsut tamarmiusut erniaannut aningaasartuutit tamarmiusut qanoq amerlatigippat?
- g) Nammiorsorlutik Oqartussat ilanngaaseereerluni pisassarisaat ukiuni tulliuuttuni ilanngaaseereerluni akiitsunngornissaat Naalakkersuisunit naatsorsuutigineqarpoq. Tamatumunnga Naalakkersuisut tunngavilersuutigaat Nukissiorfinnut Illuut A/S-imullu taarsigassarsiarititat appariaataannit annertunerusumik ingerlatseqatigiiffimmut mittarfiliortussamut pisussaaffiit qaffannissaat. Tamatuma itisilerneqarnissaa ataatsimiititaliamit kissaatigineqarpoq.

3.3. Immikkoortoq 3.2.1. Missingersuutit pillugu kommuninik suleqateqarneq, qupperneq 96

- a) Naalakkersuisut paasissutissiisutigaat sulinerup nalaani paasinarsisoq paasissutissanut tunngaviuliussat uuttutitut arlalinnut tunngatillugu pitsaassutsimikkut massakkut atorsinnaanngitsut, tak. qup. 98. Paasissutissat tunngavigineqartut atorsinnaanngitsut qanoq akeqarsimanersut paasissutissiisutigineqassasoq ataatsimiititaliamit kissaatigineqarpoq?
- b) Kommunit aningaasaqarnermik pitsaaneruseqarfigineqartariaqartut ataatsimiititaliaq isumaqarpoq. Tamanna Naalakkersuisut qanoq oqaaseqarfigiumavaat?
- c) Naligiissaareriaasissamik nutaamik suliaqarnermi kommunit tamarmik ilaatinneqarpat?
- d) Suliaq tamanna pillugu ingerllavartumik ilisimatinneqartarnissani ataatsimiititaliap kissaatigaa.

3.4. Immikkoortoq 3.3. Ingerlatseqatigiiffinni Namminersorlutik Oqartussanit pigineqartuni tallimani annerpaani ineriartorneq. qupperneq 98

- a) Ingerlatseqatigiiffinni kukkusumik aningaasaliisoqartarnersoq Naalakkersuisunit nakkutilliivigineqartarpa?
- b) Tele Greenland A/S qanga pisisartunik nutaamik aqutseriaaseqalerpa?

3.5. Immikkoortoq 3.4. EU-mik aalisarneq pillugu isumaqatigiissut. qupperneq 100

- a) Nunatsinni aalisarneqarneqarsinnaasut sipporlugit aalisarnerup EU-mit pitsaanngitsutut isigineqarnera Naalakkersuisunit qanoq isigineqarpa?
- b) EU-p aalisarnissamut pisinnaatitaaffisa nutsinnit tamakkerlugit aalisarneqarnissaat Kalaallit Nunaata qanoq pissarsissutigisinnaavaa?

3.6. Immikkoortoq 3.5. EU-mik peqateqarnissamik isumaqatigiissut. qupperneq 101

- a) Angusassat eqquutsinneqannginnera missingersuutitut tapiissutinik tunniussinnermut qanorpiaq sunniuteqarpa?
- b) Angusassat eqquutsinneqannginnerat maannamit anguniagarineqartunut qanoq sunniuteqassappat, qanoq angusaqarnerunissaq anguniarneqassava?
- c) Kingunissai kisitsisinngorlugit aningaasartai qanoq amerlatigippat ukiunilu aggersuni anguniakkanik naammassisaqarnissaq eqqarsaatigalugu aningaasatigut kingunissai qanoq takorloorneqarpat?

3.7. Immikkoortoq 4. Attanneqarsinnaasumik aningaasarsiornikkut siuarsaanissamullu pilersaarutip malitseqartinnera. qupperneq 102

- a) Aningaasaqarnerup ineriartornissaanut Naalakkersuisut naatorsuutigisaat akiitsullu imminnut qanoq ataqatigiippat?
- b) "Suliffinnik qorsunnik" pilersitsinerup siuarsarneqarnissaanik assersuutip itisilernerneqarnissaa ataatsimiititaliamit kissaatigineqarpoq, tamatumani pisortat namminer-sortulluunniit suliffissanik nutaanik pilersitsissallutik? Takuuk qupperneq 102.
- c) Inuit suliffissaaleqisut, sulisinnaajunaarsimasut ilinniagaqartullu ilanngullugit naatsorneqarneranni pilersuisinnaasut qaqugukkut ikippallaalertutut Naalakkersuisunit isigineqassappat?

3.8. Immikkoortoq 4.1.1. Ilinniartitaanerit. qupperneq 104

- a) Atuarfimmik suliniuteqarfissanik, kommunit nakkutiginnittussaanerisa nukittorsaavigineqarnissaa ilinniartitaanermullu pilersaarutip sulissutigeqqinnissaa Naalakkersuisunit taaneqarput. Ilinniartitaanermut Aqutsisoqarfik tamatumani pingaarutilimmik inissisimassasoq ataatsimiititaliamit maluginiarneqarpoq. Ataatsimiititaliamittaaq maluginiarneqarpoq atuarfik pillugu inatsimmik nutarterineq suliarineqartoq. Kommunit akisussaaffiup ilaanik isumagisassaminnik isumaginninnissaannut Naalakkersuisut qanoq naatsorsuuteqarpat aammalu atuarfimmik ingerlatsinermik suliassamik kommunit ingerlatsinerat Naalakkersuisunit qanoq ikiorsiiffigineqarniarpa?
- b) Naalakkersuisut paasissutissiissutigaat anguniagassatut akuersissutigineqartut kommuninut ataatsimoortumik tapiissutit ilaata annertussusissaannut apeqqutaatinneqalersinnaasut. Ataatsimoortumik tapiissutit ikilineqarsinnaanerat kajumissuseqalersitsinnaasutut Naalakkersuisunit taaneqarpoq. Tamanna kommuninut atuarfik pillugu suliassaminnik kivitsinissaminnik ajornartorsiuteqareersunut qanoq kinguneqarsinnaanersoq Naalakkersuisunit naliliiffigineqarsimava misissoqqissaarneqarluniluunniit?
- c) Nuna tamakkerlugu angajoqqaat siunnersuisoqatigiivinik toqqaasarnissap sooq kommuninut qinersinermut peqatigitillugu pisarnissaanut suna tunngaviua?

- d) Danmarkimi Kalaallillu Nunaanni efterskolimik aqqissuussinerit assigiippat, taama-assimappallu tamatumuunga suna tunngaviua?
- e) "Efterskolimik ilusiliisimaneq" malillugu 11. klassenik pilersitsinissaq ilinniartuat ineqartinneqarneranni pissutsinut qanoq naapertuutsigiva?
- f) Efterskolit maanna marluusut ilusiligaanerit assigiippat?
- g) Atuarfimmi ilinniartitsisut piginnaasassaattut piumasaqaatit assingi sooq efterkolini atuutinngillat?
- h) Tuluit oqaasiinik ilinniartitsinerup pingaarnerusunngortinneqarnera atuartunut ilinniartitsisunullu qanoq kinguneqartussatut Naalakkersuisunit naatsorsuutigineqarpa? Taamaaliornikkut atuartut sanngiinnerit atuartunut atuagarsornermut pikkorissunut sanilliullutik suli ajornerusumik inissisimalernissaat aarleqqutigineqarsinnaangila? Taamatut pingaarnerusunngortitsineq tamanna atuarfiit tamarmik naammassisinnaasavaat? Tamanna maanna ilinniartitsisussaaleqinerit qanoq kinguneqassava?
- i) Nuna tamakkerlugu angajoqqaat siunnersuisoqatigiivini pilersitsiniarneq ingerlatsinerlu qanoq aningaasartuutitaqassava?

3.9. Immikkoortoq 4.2.1. Inuusutissarsiutinut suliffinnullu tunngassuteqartut, qupperneq 110

- a) Suliffeqarfiit ikiliartornerat sulisullu amerliartornerat qanoq imminnut ataqatigiippat? Angutit suliffeqanngitsut Majoriamik naammassinnikkaangamik suliffinnik qanoq itunik suliffeqalissasut naatsorsuutigineqarpat?
- b) Takornarianut sullissivinni nutaani misigisassat suut takornarianut neqeroorutigineqartassappat aammalu misigassatut neqeroorutit qanoq ataqatigiissaarniarneqarpat?
- c) Suliffeqarfinni sorlarni sulisut amerliartorpat?
- d) Inuusuttut sullitassat Majoriap suliassaqarfiata avataaniittut Naalakkersuisunit qanoq iliuuseqarfigineqarpat?
- e) Naalakkersuisut qupperneq 113-imi oqaatigaat inuusutissarsiutinut ingerlatseqatigiiffinnullu inatsisaasut nuna tamalaani atorneqartunut naapertuuttunngortinneqarnissaat anguniagaasoq. Nunani tamalaani atorneqartut suut pineqarpat?
- f) Inuit Majoriamiittut suliffissaaleqisut pillugit kisitsisitigut paasissutissani ilaatinneqarpat?
- g) Takornarianut sullissiviit takornariaqarnermik nunap immikkoortukkaartumik ataqatigiissaarinissaannut nittarsaassisarnissaannullu qanoq piumasaqaateqartoqassava?

3.10. Immikkoortoq 4.2.2. Aalisarneq, qupperneq 113

- a) Aalisakkanik suliffissuarni sulinermit pissutsit pitsaannerusut qanoq atuutilersineqarsinnaappat?
- b) Naleqassutsimik misissueqqissaanerup 2016-imi ukiakkut tamanut saqqummiunneqarsinnaangorlugi piareernissaanik Naalakkersuisut paasissutissiisutaat piviusunngussava?
- c) 2017-imi akuersissutit qassit tunniunneqarumaarnersut Naalakkersuisunit paasissutissiisutigineqarsinnaava?
- d) Akuersissummik pigisaqartut amerleriarnersa kingunerisaanik sinerissamut qanittumi aalisarnerup immiut akilersinnaassusiata apparnissaanik naatsorsuutiginninneq Naalakkersuisunit itisilerneqarsinnaava?
- e) Inuusunnerusut aalisarnermik ingerlatsilersut aalisarnerullu iluani nunami suliffeqalersut amerliartornissaat Naalakkersuisunit qanoq siuarsaavigineqalersaarpa?

- f) Tunisassiassatut tunineqartut amerliartornerat nunami aallaakkaasumik tunisassiornisamik kissaateqarnermut tassungalu ilanngullugu sulisussaaleqinermut qanoq oqimaaqatigiissarneqassava?
- g) Akuersissutit tunniunneqartut ikiliartortinnissaat Naalakkersuisut siunertaraat?
- h) 2012-mioqqooqaaq aalisarnermi aningaasat kaaviiarnerat sukuinarneqarpoq (værdikædeanalyse). Taamani suliaq ataatsimiititaliamut nassiunneqarnissaa kissaatigineqarpoq.
- i) Maanna suliarineqartooq nutaaq qaqugu Inatsisartunut saqqummiunneqassava?

3.11. Immikkoortoq 4.3.2. Pisortani aaqqissuussaaneq. qupperneq 117

- a) KANUKOKA-mik suleqateqarneq Naalakkersuisunit qanoq naatsorsuuteqarfigineqarpa?
- b) Kommunit maanna aaqqissuussaanerannik pilersaarutit malinneqarsimappat aammalu kommunit suliaassaattut naatsorsuutigineqartut piviusunngortinneqarsimappat?
- c) Suliassat kommuninit tiguneqartussatut naatsorsuutigineqartut eqqarsaatigalugit kommunini piginnaasat qanoq ippat?
- d) Immikkoortumut pilersaarutit suliarineqartussat kommunini suliarinerat sumut killippa?
- e) Kommuninik aggulueqqissinnaaneq pillugu taasisitsisoqassappat apeqqutit qinigassallu suut innuttaasunut saqqummiunneqartariaqassappat?

3.12. Immikkoortoq 4.3.3. Sanaartornermi immikkoortunut pilersaarutit. qupperneq 120

Immikkoortumut ingerlaavartumik pilersaarusiortarneq ququgu piviusunngortinneqartussatut naatsorsuutigineqarpa?

3.13. Immikkoortoq 4.3.4. Siusissukkut pitsaaliuilluni suliniuteqartarnissap tunngavigineqarnissaa. qupperneq 121

Assigiinngitsunik suliallit ataatsimeeqatigiittarnerat qanoq akulikitsigisumik pisassava?

3.14. Immikkoortoq 4.3.7. Utoqqarnut tunngasut. qupperneq 123

- a) Puigortunngortarneq pillugu periusissamik Naalakkersuisut suliaqarsimappat?
- b) Suliassa qarfirmi tamatumani kommunit ikiorneqarnissamik pisariaqartitsinerat qanoq annertutigiva?

3.15. Immikkoortoq 4.3.8. Innarluutilinnut tunngasut. qupperneq 124

- a) Najugaqatigiiffinnik pisariaqartitsineq qanoq annertutigiva suliaassa qarfirmullu tamatumunna Naalakkersuisut pilersaarutaat suuppat?

3.16. Immikkoortoq 4.3.9. Peqqissutsimut pinaveersaartitsinermullu tunngasut. qupperneq 124

- a) Pisuusaartitatut takussutissiaq aqqutigalugu suliniuteqarfissat suut siunniunneqassanersut Naalakkersuisunit maannangaaq takorloorneqarpat?
- b) Tassunga atatillugu Tasiilaq qanoq inissisimava?
- c) Suliarineqarnissaminnut utaqqisut pillugit kisitsisit killiffillu ataatsimiititaliamut nassuarneqaaqquneqarpoq.

3.17. Immikkoortoq 4.3.10. Akiitsoqarneq akiitsoqalernissamillu pitsaaliuineq. qupperneq 126

- a) Anisitsinerit 255-it qanoq akeqarpat?

- b) Taakkunanga inisseqqinnetartut qassiuppat illoqarfinnilu sorlarni inisseeqqittoqarnerusarpa?
- c) Akiitsoqalernissamut pitsaaliuinnermut tunngasuni pitsaaliuinnermik iliuusissat annertusisat ersarinnerusullu pisariaqartinnetartut Naalakkersuisut paasissutissiissutigaa. Oqaluserisassani immikkoortoq UKA 2015/96-ip suliarineqarneranut atatillugu Aningaasaqarnermut Akileraartarnermullu Ataatsimiititaliaq allannguutissatut siunnersuummik, siunnersuisoqarfimmik inunnik akiitsoqartunik siunnersuisinnaasumik ikiuisinnaasumillu pilersitsinissamut periarfissat pillugit nalunaarusiornissaq pillugu Naalakkersuisut peqquneqarnissaannik imaqartumik saqqummiussivoq. Nalunaarusiaq 2016-imi ukiakkut ataatsimiinneq nallertinnagu naammassineqartussaavoq. Taasuminnga suliarinninnertik Naalakkersuisut sumut killinneraat paasissutissiissutigineqassasoq ataatsimiititaliamit kissaatigineqarpoq.
- d) Naalakkersuisunit ilisimaneqarpa inoqarmat ullut 14-ikkaarlugit akissarsialinnik qaammammut akiligassamik ilaannik qaammatip ulluini siullerni 14-ini akissarsiaminnit akiliinissaminnut periarfissaqanngitsunik, taamaattumillu qaammammi ullut 14-ikkaarlugit akissarsinerminni kingullermi qaammammut akiligassaminnik matussusiinissaminnut ajornartorsiuteqalersartunik? Taakku atugaasa pitsanngorsarnissaanut Naalakkersuisut periarfissaqarpat?

3.18. Immikkoortoq 4.4. Atugarissaarnikkut sullissutinik, akileraarusersueriaatsimik ineqarnermullu tunngasunik aqqissuusseqqinnikkut imminut pilersorsinnaanerup annertusarnera, qupperneq 126

- a) Soraarnerusutisiaqarnermik iluarsaaqqinneq soraarnerussutisiaqartut eqqornerlunneqarnerannik kinguneqanngitsumik qanoq iliorlutik Naalakkersuisut ingerlanniarpaat?
- b) Soraarnerussutisiassanut akiliutit atuisartunut akigititanut qanoq sunniuteqassapat?
- c) Ingerlatseqatigiiffinnut akileraarutit appartinneqarnerat atuisartunut akigititanut qanoq sunniuteqassava?
- d) Ingerlatseqatigiiffinnut akileraarutigitinneqartup apparneqarnera aningaasaqarnikkut qanoq kinguneqassava?
- e) Suliffeqarfiit akornanni tapiiffiqeqatigiittarnermik misissueqqissaarneq qaqugu naammassineqartussatut naatsorsuutigineqarpa?
- f) Naalakkersuisut qupperneq 130-mi paasissutissiissutigaa ullumikkut suliassaqarfiit ilaanni sunniivigeqatigiinnermi ajornartorsiuteqartoq, innuttaasut ilaasa akiitsoqalersortarnerannik kinguneqartartumik. Tamatuma itisilernerqarnissaa ataatsimiititaliamit kissaatigineqarpoq.
- g) Atornerluisunik katsorsaaneranut atatillugu katsorsartittussanik qulaajaaviginneriaaseq qanoq ittoq atorneqalersarpa?
- h) Suliffeqarnermut ilanngaat akileraartarnermut ineqarnermullu aqqissuusseqqinnissap ilaatut Naalakkersuisunit qupperneq 127-imi taaneqarpoq. Tamanna Naalakkersuisut qanoq piviusunngortilersarpaat?
- i) Illuut A/S-ip inissiaataanik tunisinissamik Naalakkersuisut isumaliuteqarnerannut suna tunngaviua aammalu Illuut A/S-imi attartortut anginerit ilaattut Peqqinnissaqarfik immikkut soq taaneqarpat?
- j) Illuut A/S-imi illuutinik tunisineq Namminersorlutik Oqartussat aningaasaliisartutut suleqatitut akuerisaanerannut iluaqutaasinnaanerarlugu oqarnerup itisilernerqarnissaa ataatsimiititaliamit kissaatigineqarpoq.

3.19. Immikkoortoq 5. AIS 2017-imut atatillugu Naalakkersuisut sallitutaat, qupperneq 132

Aaqqissuuseqqinnissat assigiinngitsut attartornermut akinut qanoq sunniuteqassapat?

3.20. Immikkoortoq 5.1.1. Inissianik iluarsaaneq, qupperneq 133

Immikkoortumut pilersaarutini piffissaq qanoq sivilutigisoq atorneqassava aammalu immikkoortumut ingerlaavartumik pilersaarusiortarlernerup kingunerissavaa immikkoortumut pilersaarutit ukiut tamaasa nutarterneqartarnerat?

3.21. Immikkoortoq 5.1.2. Ilinniartut ineqarfiinik sanaartorneq ilinniartullu ilinniarfii, qupperneq 133

Inissiat siunertanut assigiinngitsunut atorneqarsinnaasut ilinniartunut inissiatut atoneqarnissaannik Naalakkersuisut pileraaruteqarpat, taakkumi ilinniartunut inissiatut atorneqarnissaat pisariaqartinneqarunnaarpat inissiatut allatut atorneqalersinnaammata?

3.22. Immikkoortoq 5.1.3. Attaveqarner – umiarsualiviit mittarfiillu, qupperneq 135

- a) Nunat immikkoortuini mittarfinnik piffissap ingerlanerani timmisartunut pax-19-inut sullissisussanik pilersitsinissaq qanoq piffissalersugaava?
- b) Sakkutooqarfimmit aammalu upalungaarsimanermut atatillugu Kangerlussuup atornerarnera eqqarsaatigigaanni Kangerlussuup mittarfeqarfittut nalinginnaasutut siunisami atorneqarnissaa qanoq ippa?
- c) Narsarsuup mittarfiata allilernerqarsinnaaneranut pilersaarutit titartakkat, mittarfeqarfiit tunniunneqarnerannut atatillugu angallannikkut attaveqaatinik annertusaanissamik siusinnerusukkut pilersaarutitut atatillugu amerikamiunit suliarineqartut qanoq isikkoqarpat?
- d) Mittarfiit ataasiakkaat sanaartorneranni suut tunngavigineqarsimappat?
- e) Narsarsuarmit mittarfik qanoq pilersaaruteqarfigineqarpa?
- f) Umiarsualivinnut immikkoortumut pilersaarutip 2016-ip naanerani naammassineqartussatut naatsorsuutigineqartup assilineqaranik pissarsitinneqarnissaq ataatsimiititaliamit naatsorsuutigineqarpoq.

3.23. Immikkoortoq 5.2. Sillimmatit aamma missingersuutini iluarsiiinerit, qupperneq 135

- a) Sillimmatitut immikkoortitat assigiinngitsut ukiup aningaasanut inatsiseqarfiup naanerani atornerararunik uninngaannannginnissaat ataatsimiititaliap neriuutigaa.
- b) ”Ilinniartitaanermut periutsimi nutaaliorneq” 2017-imi 1,3 mio. kr.-inik immikkoortitsivigineqartoq Naalakkersuisut paasisutissiipput. Suliummut taama pingaaruteqartigisumut aningaasaliissutigineqartut naammattut Naalakkersuisunit isigineqarpat?

3.24. Immikkoortoq 5.3. Pisortat suliaqarfiini pisariillisaaneq, qupperneq 138

- a) Digitalinngorsaaneermut ukiuni kingullerni qulini aningaasartuutit qanoq amerlatigippat?
- b) Ataatsimoorussamik nutserinermi aaqqissuussap atornerarnera qanoq misilittagaqarfigineqarpa?

3.25. Immikkoortoq 5.4. AIS 2017-imi aningaasartuuteqarnerunerit, qupperneq 139

- a) AUL-ip amigartooruteqarnissaanut qularnaveeqqusiineq ukiuni arlalinni ingerlaannartussatut Naalakkersuisunit naatsorsuutigineqarpa?

3.26. Immikkoortoq 6.1. Inatsisitigut pisussaaffigalugit aningaasaliissutit, qupperneq 139

- a) Namminersorlutik Oqartussani akissarsiaqarnerpaat qanoq amerlatigisunik isertitaqartarpat?
- b) Namminersorlutik Oqartussani akissarsiakinnerpaat qanoq amerlatigisunik isertitaqartarpat?

3.27. Immikkoortoq 6.2. Isertitat, qupperneq 139

- a) Nuna tamakkerlugu akileraarutinit isertitassatut ilimagisanik qaffaanerminni Naalakkersuisut tunngavilersuutigisaata itisilerneqarnissaa ataatsimiititaliamit kissaatigineqarpoq.
- b) BNP-p 5 %-imik annertuseriarnissaanik naatsorsuutiginninneq soq piviusorsioertut Naalakkersuisunit isigineqarpa?
- c) Ilanngaassivimmut tunngavigineqartup taassumalu innuttaasunut allaffissormullu kingunerisassaasa erseqqinnerusumik itisilerneqarnissat ataatsimiititaliamit kissaatigineqarpoq.

3.28. Immikkoortoq 8, Oqaasertaliussat, qupperneq 142

- a) Suliassaqarfik 10-89-imut oqaasertaliussat – Naalakkersuisut. Pisut aningaasaliisuteqarnissamik pisariaqartitsiviunerat kimit aalajangerneqartarnersoq itisilerneqasasooq ataatsimiititaliamit kissaatigineqarpoq.

4. Suliassaqarfik 10 - 12 Naalakkersuisut Siulittaasuat

4.1 Konto pingaarneq 10.01.27 Saammaateqatigiinnissamut Isumalioqatigiissitaq

Saammaateqatigiinnissamut Isumalioqatigiissitaq ingerlataasa suliniutaasalu killiffiat pillugu takussutissiap tigungissaa ataatsimiititaliamit kissaatigineqarpoq.

4.2 Konto pingaarneq 10.06.10 Partiit qineqqusaarnissaannut tapiissutit

- a) Piffissaq aningaasanik tunniussiffik partiit aningaasaqarnerannut pisariaqanngitsumik artukkeeqqunagu kommunit qinersinermut tapiissutinik partiinut tunngatillugu aqutsineq Naalakkersuisunit eqaannerulersinneqarsinnaava?
- b) Apeqqut a)-mut nangissutitut ataatsimiititaliamit paaserusunneqarpoq tapiiffigineqarnissamik qinnuteqarnissamut killissaritinneqartup naleqqussarluarneqarsinnaaneranik ataatsimiititaliap isumaqarneranut Naalakkersuisut isumaqataanersut?
- c) Kingullermik kommunimut qinersinermi taasinerit agguataagaanerit tunngavigalugu tapiissutit taasinerimut ataatsimut 50 kr.-imik annertussuseqartut nuna tamakkerlugu qineqqusaarnerup ingerlanneqarnissaanut naammattut Naalakkersuisunit isigineqarpat?

4.3 Konto pingaarneq 10.13.10 Iluanaarutit, aktianit piginneqataaffinniit piginneqataassutit tunisinerillu

- a) Isertitat 2016-imit 2017-imut ikileriaateqarnissaannik aammalu ukiut missingersuorsiofiusut ingerlaneranni isertitat amerleriarnissaannik Naalakkersuisut naatsorsuutiginninnerat sumik pissuteqarpa?
- b) Grønlandsbankenimi aktiaatit Greenland Holdingip nunattalu karsiata akornanni kingullermik niuerutigineqarnerat pineqartunit qanoq pissarsissutigineqarpa?

4.4 Konto pingaarneq 12.01.01 Kalaallit Nunaata Københavnimi sinniisoqarfia

Københavni sulisut qulit missaat Nuummi Naalackersuisoqarfinnut aqutsisoqarfinnullu suliassanik isumaginnittuusut Naalackersuisut oqaatigaat. Suliassat taakku Kalaallit Nunaanni ingerlanneqarsinnaannginnerat sunik pissuteqarpa?

Naalackersuisunut ilaasortat, Inatsisartunut ilaasortat, qitiusumik allaffeqarfimmeersut, Namminersorlutik Oqartussat suliffeqarfiutaanneersut kommunineersullu Københavniinerneranni sullinneqarnerat sooq Kalaallit Nunaannit ingerlanneqarsinnaanngila?

6. Suliassaqarfik 20 - 24 Aningaasaqarnermut Aatsitassanullu Naalakkersuisoq

5.1 Konto pingaarneq 20.01.10 ASIAQ (Misissueqqaarnerit/Grønlands forundersøgelser)

- a) Suliassat ingerlanneqartussatut pilersaarutigineqartut allannguutigisinnaasaat itisi-liivigeqqullugit Naalakkersuisut qinnuigineqarput.
- b) Aningaasaliissutit amerleriarnernannik kinguneqanngitsumik suliassami kisitsisit amerlanersaat qaffariartut ataatsimiititaliamit maluginiarneqarpoq. Pissutsit taamaannerannut suna pissutaava?

5.2 Konto pingaarneq 20.05.20 Kommuninut ataatsimoortumik tapiissutit

- a) Kommuninut ataatsimoortumik tapiissutit pillugit qaqugu isumaqatigiissuteqartoqarnissaa naatsorsutigineqarsinnaanersoq paasissutissiissutigineqassasoq ataatsimiititaliamit kissaatigineqarpoq.
- b) Kommuneqarfik Sermersuup ataatsimoortumik tapiissutinit isertitaanit ukiu-moortumik 90 mio.-it kommunit sinnerinut agguateqqinneqartarnissaannik aalajangererup saniatigut suliassaqarfik pillugu siunissami qanoq anguniagaqarnissartik Naalakkersuisut naatsorsuutigaat?
- c) Kommuninik nutaamik agguataarisoqarsinnaanerata kingunerisinnaasai pillugit sulinuq Naalakkersuisunit ingerlateqqinneqarpoq?

5.3 Konto pingaarneq 20.05.31 Kommunini aningaasartuutaanerusussanut immikkoortitat
Isumaginninnikkut suliassaqarfimmi suliassanik suliarinnittarnerup nukittorsaavigineqarnissaa sillimatinut kontop matuma siunertaraa, taamaaliornikkut isumaginninnermut siunnersortit suliassaasa amerlassusiisa sulisullu amerlassusiisa akornanni oqimaaqatigiinnerup pitsaanerusup pilersinneqarnissaa siunertarinearluni. Taama suliniuteqarnissaq aningaasanut inatsisissatut siunnersuummi matumani ilaatinneqanngilaq. Tamanna ajornartorsiummut taaneqartumut qanoq kinguneqassava?

5.4 Konto pingaarneq 20.05.40 Naalagaaffiup ataatsimoortumik tapiissutai

Ataatsimoortumik tapiissutit iluarsiissuteqarfigineqarnissaat ataatsimoortumik tapiissutit amerlassusiannut taamaalillunilu aamma nunatta karsiata isertitaanut qanoq sunniuteqassava?

5.5 Konto pingaarneq 20.05.44 EU-mik suleqateqarnissamik isumaqatigiissummit isertitat

- a) Aningaasaliissutit amerlinerannut aningaasat nalisassaattut missingersuutigineqartut kisimik pissutaappat?
- b) Aningaasanut inatsisissatut siunnersuummut nassuiaatit naapertorlugit siunniussimasat 2015-imi 68 %-iinnaanernut pissutaasut itisileqqullugit Naalakkersuisut qinnuigineqarput.
- c) Ilassutitut isumaqatigiissut naapertorlugu EU-p ukiumut aalisarnissamut pisinnaatitaaffii Naalakkersuisut nalinginnaasumik nassuiaatini qupperneq 100-101-imi nalunaarsorpaat. Tassani paasissutissiissutigineqarpoq isumaqatigiissut tamakkiisumik atorleqarpat nunatta karsianut ukiumut 146,9 mio. kr.-inik isertitsissutaasinnaasoq. Aalisarnissamut pisinnaatitaaffiit taakku atorlugit aalisakkat nunatsinnit nammineq aalisarneqarnissaat qanoq isertitsissutaasinnaava?
- d) Aningaasaqarnermik aqutsinikkut iliuusissatut pilersaarutip siuarsarneqarnissaa pillugu Naalakkersuisut EU-llu akornanni isumaqatigiissusiortoqartoq Naalakkersuisut qupperneq 102-mi oqaatigaat. Tassunga atatillugu aqqiivigisariaqakkat 6-it

taaneqarput. Tamanna erseqqinnerusumik itisiliiffigeqqullugu Naalakkersuisut qinnuigineqarput.

- e) Tamatuma peqatigisaanik EU-mut nalunaarusiortarnissaq pillugu immikkoortoq itisiivigeqqullugu Naalakkersuisut qinnuigineqarput.

5.6 Konto pingaarneq 20.05.45 Kommuni Kujallermi attaveqaatinik annertusaaneq
Kommune Kujalliup aningaasanik atuinissaani piunasaqaatit isumaqatigiissutigineqartut assilineri nassiuteqqullugit Naalakkersuisut ataatsimiititaliamit qinnuigineqarput.

5.7 Konto pingaarneq 20.10.11 Ilanngaaseereerluni erniat
Mittarfeqarfiit Nukissiorfiillu suliassaqaarfiini aningaasaliinissat suliffeqarfiit taakku marluk aningaasanik tigatoriaannarnik aqutsinerannik sukaterinissap isumaliutigineqarnissaanut tunngavissiippat?

5.8 Konto pingaarneq 20.10.22 Isertitat allat

- a) Nuummi inissianik attartortittakkanik nutaanerusunik tuniniaanikkut ukiumut 2 mio. kr.-it isertinneqartarnissaat Naalakkersuisunit naatsorsuutigineqartoq missingersuutitut ilanngussami allassimavoq. Ukiumut inissiat sisamat tunineqartarnissaat naatsorsuutigineqarpoq. Inissiat nammineq pigisat Nuummi niuernermi akii atuuttut eqqarsaatigalugit tamatuma itisilerneqarnissaa ataatsimiititaliamit pisariaqartinneqarpoq.
- b) Nuummi inissianik tunisinermi akit suut Naalakkersuisunit atorneqartarpat?
- c) Illuut A/S-ip inissiaatai tamarmiusut maanna qanoq naleqarpat?

5.9 Konto pingaarneq 20.10.42 Kommuninut taarsigassarsiarititat. akilersuineq
Piffissami missingersuutitut ilanngussami taaneqartumi akiitsuminik akilersuinissamut Kommune Kujalliup periarfissai Naalakkersuisunit qanoq naatsorsuuteqarfigineqarpat?

5.10 Konto pingaarneq 20.11.51 Aaqqissuusseqqinnerit sunniutaat

- a) Aaqqissuusseqqinnissat siumut sammisut tallimat Naalakkersuisunit taaneqarput. Iliuusissat taakku piffissani taaneqartuni ingerlanneqarsinnaanissaat Naalakkersuisunit qanoq qulakkeerneqalersaarnersoq paasissutissiissutigineqassasoq ataatsimiititaliamit kissaatigineqarpoq.
- b) Inatsisit tunngavigisassat suli akuersissutigineqanngitsut iliuusissat ukiunut ataasiakkaanut aningaasaqarnikkut sunniutissaat pillugit naatsorsuinissamut tunngavissat pisariaqartut Naalakkersuisunit qanoq qulakkeerniarneqarsimappat? Ukiumut aningaasanut inatsiseqarfimmi 2017-imi ukiunilu missingersuusiorfinni kisitsisit allasimasut nassuiaatigineqarnissaat ataatsimiititaliamit kissaatigineqarpoq. Quppernermi 242-mi suliassami kisitsisinut takussutissiaq ataatsimiititaliamit innersuussutigineqassaaq.

5.11 Konto pingaarneq 20.11.56 Missingersuutinik iluarsineq. allaffissorneq

Digitalikkut pilersaarusiornermut aammalu pisortat ataatsimoortumik nutserinermi atortuanut sipaarutissatut naatsorsuutigineqartut ukiumik ataatsimik kinguarterinnerannut suna pisutaava?

5.12 Konto pingaarneq 20.11.61 Ilinniartitaanermut sillimmatit

Konto pingaarneq taanna aningaasanut inatsisissatut siunnersuummi matumani ilaangilaq. Tamanna ima paasineqassava; ilinniartitaanermi immikkut ittumik suliniuteqarnissamut aningaasaliussat tamarmik atugassiissutigineqarsimasut?

5.13 Konto pingaarneq 20.11.70 Suliniutinut nutaanut sillimmatit

Suliniutit siumut sammisut arfineq pingasut Naalakkersuisunit taaneqarput. Suliniutissat taakku piffissani taaneqartuni ingerlanneqarsinnaanissaat Naalakkersuisunit qanoq qulak-keerneqalersaarnersoq paasissutissiissutigineqassasoq ataatsimiititaliamit kissaatigineqarpoq.

5.14 Konto pingaarneq 20.11.71 Tulleriiarinermut toqqortat

- a) Tamanna ataatsimiititaliamit ima paasineqassava; aningaasartuutissatut aningaasanut inatsisissatut siunnersuummi missingersuutigineqartut 0,15 %-ii suliniutissat nutaat pillugit aningaasanut inatsisissap isumaqatiginninniutigineqarnissaani kisimik atugassiissutigineqartut?
- b) Tulleriiarinermut matumani immikkoortitat sumut atorneqarsinnaanerat pillugu Naalakkersuisut aalajangersimasunik isumassarsiaqarpat?

5.15 Konto pingaarneq 20.12.12 Aningaaseriveqartitsineq

- a) Teknologiikkut aqqissuussaankullu aqqiissutissat kiffartuussinissamik isumaqatigiissuteqartariaqarnermut annikillisaataasinnaasut ingerlanneqarnerat sumut killippa?
- b) Illoqarfinni nunaqarfinnilu aningaaseriveqartitsinermik ingerlatsinerup ingerlateqqin-neqarnissaanut kiffartuussinissamik isumaqatigiissuteqarniarneq Naalakkersuisunit ingerlateqqinneqarpa?

5.16 Konto pingaarneq 20.16.01 Naatsorsueqqissaartarfik

- a) 2016-imi suliassanut pilersaarutit arlallit missingersuutinut ilanngussami Naalakkersuisunit taaneqarput. Suliassat taakku Naatsorsueqqissaartarfimmit 2017-imi uki-unilu missingersuusiorfinni nanginneqarnissaat Naalakkersuisunit siunertarinqarpa?
- b) Amerlanerusunik aningaasaliissuteqarnikkut Naatsorsueqqissaartarfiup patajaal-lisarneqarnissaanik Naalakkersuisut pilersaaruteqarnersut paasissutissiissutigineqas-sasoq ataatsimiititaliamit kissaatigineqarpoq.

5.17 Konto pingaarneq 20.30.02 Piginnaasanik ineriartortitsinermut aningaasat immik-koortitat

Immikkoortitat aningaasartaat najukkani sulisussarsiniartarnerup nukittorsarneqarnissaanut, sulisut sulisoriinnarnissaanik sulisullu naammagisimaarinninnerannik annertusaanissamut atorneqassasut missingersuutinut ilanngussami allassimvoq.

- a) Suliniuteqarfissanut taakkununga uuttuutissanik Naalakkersuisut suliaqarsimappat?
- b) Suliniuteqarfiit taakku ukiut kingulliit ingerlaneranni qanoq angusaqarfiusimappat?

5.18 Konto pingaarneq 20.30.05 Nutaanngorsaanissat suliassallu

- a) Akissarsianut aningaasartuutit allanngunngitsut sulisorisassat amerleriarnissaanik naatsorsuutiginninnermut suna tunngaviuma?
- b) Innuttaasunik sullissivik KANUKOKA-mi aallaaveqassasoq paasissutissiissutigi-neqarpoq. KANUKOKA-mi kingullertigut ineriartorneq aqqissuussinermut tassunga sunniuteqassava?

5.19 Konto pingaarneq 20.30.07 Boligstøtte, ernianut akilersuutinut tapiissutit

Konto pingaarneq 20.11.51, Aaqqissuusseqqinnerit sunniutaannut tunngasoq, naapertorlugu aaqqissuusseqqinnissat konto pingaarnermut matumunnga qanoq sunniuteqartussatut naatsorsuutigineqarpat?

5.20 Konto pingaarneq 20.30.09 Sulisunik utaqqiisaasumik najugaqartitsisarneq

Konto pingaarnermi matumani suut isertitarineqartarpat?

5.21 Konto pingaarneq 20.40.02 Nuna tamakkerlugu digitalinngortitsisarnissamut periusisiap atuutsilernera

Konto pingaarneq una naapertorlugu suliniutit malunnaatilimmik angusaqarfiusimasutut aammalu aningaasat Naalackersuisunut pissarsiffiusutut Naalackersuisunit isigineqarpat?

5.22 Konto pingaarneq 24.01.15 Pisassanut allanut siusinnerusukkut isumakkiikkanut akiliutit

Akiligassat akileqquneqareersut akilerneqareersullu qanoq annertutigisut kukkusumik akiliisitsissutiginiarneqartarpat?

5.23 Konto pingaarneq 24.10.10 Nuna tamakkerlugu akileraarut

N 2015-ip aamma AI 2016-ip akornanni appariarneq sumik pissuteqarpa?

5.24 Konto pingaarneq 24.10.11 Nuna tamakkerlugu immikkut akileraarut

- a) Ingerlaavartumik isertitat aammalu ingerlatseqatigiiffiit akileraarutaat ukiuni kingullerni arfineq marlunni qanoq agguataarsimappat kiisalu isertitaajumaartussat ikilinis-saat soq ingerlatseqatigiiffiit akileraarutaasa appariarneranik annertunerpaamik pissuteqarpa?
- b) Isertitat ukiuni kingullerni arfineq marlunni aalaakkaasimasut ataatsimiititaliap maluginiarpa. Kiisalu ataatsimiititaliamit maluginiarneqarpoq isertitat annertuumik ikileriarnissaat naatsorsuutigineqartoq. Ikiliartuinnarnissaasa pinngitsoortinnissaanut Naalackersuisut qanoq periarfissaqarpat?

5.25 Konto pingaarneq 24.10.12 Ingerlatseqatigiiffiit akileraarutaat, Namminersorlutik Oqartussat suliffeqarfiutaat

Isertitat taama malunnaateqartigisumik ikileriarnernannut suna tunngaviua?

5.26 Konto pingaarneq 24.11.11 Qamutitut motorilinnut akitsuutit

- a) Qamutit motorillit oqimaatsut suliffeqarfissuillu maskiinarsuisa immikkut akileraaruteqartinneqalernissaat Naalackersuisunit isumaliutigineqarsimava?
- b) Qamutit motorillit nunalerinermi atorneqartut akileraarutitigut akitsuutitigulluunniit akikillisaavigineqarnissaat Naalackersuisut pilersaaruteqarpat?

5.27 Konto pingaarneq 24.11.12 Raajanut akitsuut

Tuluit EU-mit aninerat raajanik avammut tunisinermit qanoq kinguneqartussatut Naalackersuisunit naatsorsuutigineqarpat?

5.28 Konto pingaarneq 24.11.13 Umiarsualivimmiinnermut akileraarutit

AIS 2016-ip suliarineqarnerani ataatsimiititaliaq ima apeqquteqarpoq:

- c) *"Angallatit motorillit tingerlaatersortullu mikinerit nammineq pigisat umiarsualivimmiinnermut akileraaruserneqarnissaat kissaatigineqarpa"*

Naalakkersuisut taamani paasissutissiipput apeqqut suli isummerfigisimangikkitsik. Apeqqut ataatsimiititaliamit uteqqinneqassaaq Naalakkersuisullu qinnuigineqarput akeqqullugu.

5.29 Konto pingaarneq 24.11.21 Tipernermit lottornermilu akitsuutit

Nunatsinni tipernermit lottornermillu kaaviiartitanut atatillugu aningaasanik peqquserluutinik malunnarunnaarsaasoqartarneranik Naalakkersuisut ilisimasaqarpat?

5.30 Konto pingaarneq 24.11.22 Sulisoqarnermut akitsuut

Isertitat ilaat qanoq amerlatigisut lærlingit akissarsiaannut aningaasartuutininut kiisalu ilinniartut ilinniarnersiuteqartinneqarnerannut atorpeqartarpat?

5.31 Konto pingaarneq 24.11.26 Aalisakkanut ikerinnarsortunut akitsuut

Avaleraasartuunut akitsuut ukioq manna qanoq annertutigisumik isertitaqaataasussatut naatsorsuutigineqarparpa aammalu Naalakkersuisut isumaqarpat avaleraasartuunut akitsuummit aappaagu isertitarineqartussatut naatsorsuutigineqartut N 2015-imut sanilliullugit piviusorsioortumik annertussusilerneqarsimasut?

7. Suliassaqarfik 27 - Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq

6.1 Konto pingaarneq 27.01.02 Bruxellesimi sinniisuutitaqarfik

Nunanut allanut niuernermut aammalu nunat tamalaat aningaasalersuisarnerannut tunngasutigut naalakkersuinikkut oqartussaaffiit immikkut ittut Namminersorlutik Oqartussat allafeqarfiani sumi isumagineqartarpat?

6.2 Konto pingaarneq 27.01.03 Northern Periphery and Arctic-imut Kalaallit Nunaata tapersiissutai

Suliassami kisitsisit aningaasat sunut tunniunneqartarnerannik nassuiaataasut ataatsimiititaliamit ujjartorneqarput.

- a) Aningaasaliissutinit ullumikkut pissarsissutaasartut Naalakkersuisunit qanoq nalilerneqarpat?
- b) Kikkut allat nunatta peqataaneranut aningaasanik tapeeqataasarpat?
- c) Aningaasaliissutigineqartut qanoq naatsorsorneqartarpat?

6.3 Konto pingaarneq 27.01.09 Kalaallit Nunaata Washington D.C.-mi Sinniisoqarfia

- a) Washingtonimi sinniisoqarfiup maannamut angusai sorphiaappat? Taasarialinnik angusaqartoqarsimangippat sinniisoqarfiup ukioq manna maannamut ingerlataasa nassuiaatigineqarnissaat taarsiullugu kissaatigineqarpoq.
- b) Washington D.C.-mi sulisut Bruxellesimi sulisut amerlaqatigigaat Naalakkersuisut paasissutissiippat. Sinniisoqarfiup Kalaallit Nunaannut pingaaruteqassusianut sanilliullugu tamanna eqqortumik tullerriiarinertut Naalakkersuisunit isigineqarpa?
- c) Nunani allani sorlorni sinniisoqarfeqarnikkut Nunarput iluanaaruteqarsinnaanissaa Naalakkersuisut takorloorpaat?
- d) Washington DC-mi sulisut amerlineqassappata sorphiaat anguneqarnissaat Naalakkersuisut takorloorpaat, suliassat suut annertunerusumik suliarineqarsinnaanngussappat?

7. Suliassaqarfik 30 Ilaqutariinnermut, Naligiissitaanermut, Isumaginninnermut Inatsisinillu Atuutsitsinnermut Naalakkersuisoq

7.1 Konto pingaarneq 30.01.01 Ilaqutariinnermut, Naligiissitaanermut, Isumaginninnermut Inatsisinillu Atuutsitsinnermut Naalakkersuisoqarfik

- a) Kommunit ingerlatsinerminni isumaginninnikkut inatsisini maleruagassanik malineqqullugit sulisut ilitsersuutininik periutsinillu ilitsersorneqarnissaat Naalakkersuisunit qanoq qulakkeerneqartarpa?
- b) Suliassat meeqqanut inuusuttunullu tunngasut pillugit kommunini sulianik ingerlatsisunik siunnersuisarneq ilitsersuisarnerlu Naalakkersuisut qanoq misilittagaqarfigaat?
- c) Immikkut nakkutiginnittartut suliassanik kivitsinissamut naammattunik sulisoqarnissaat Naalakkersuisunit qulakkeerneqarsimava?

7.2 Konto pingaarneq 30.01.03 Isumaginninneq pillugu pikkorissartitseqqinnerit ilinniartitseqqinnerillu

- a) Pikkorissarnerit pikkorissartunit suliatigut pissarsissutaanissaat aammalu ilikkakka-minnik sulinerminni atuinissaat qanoq qulakkeerneqartarpa?
- b) Suliassami kisitsinut takussutissiami "Isumaginninnermi siunnersortit ilinniarteqqineqarnerat"-ta nalaani sooq 0 (nul) nalunaarneqarsimava?
- c) Isumaginninnikkut anguniakkat pillugit isumasioqatigiinnerit ataatsimeersuarnerillu suut ingerlanneqarsimappat?
- d) Angerlarsimaffiup avataanut inissiinissaq pinngitsoorniarlugu Naalakkersuisut qanoq iliuuseqartarpat?

7.3 Konto pingaarneq 30.01.12 Danmarkimi eqqartuunneqarsimasunik oqaloqatiginnittartoqarneq

- a) Oqaloqatiginnittartut kalaallisut oqaasillit taama malunnaateqartigisumik ikileriarnerannut suna pissutaava?
- b) Kalaallinut Danmarkimi najugalinnut oqaloqatiginnittartut pillugit danskit naalakkersuisuisa suliaqarnerat sumut killippa, Nunatsinnit suna piunasaqaataasimava?

7.4 Konto pingaarneq 30.10.34 Meeqqanut akilersuutit meeravissartaarnerlu kiisalu meeqqanut inuusuttunullu illersuisoqarneq

Eqqarlerisanut inissinneqarsimasut eqqarlerisanillu meeravissartaarineqarsimasut qanoq amerlatigippat?

7.5 Konto pingaarneq 30.10.36 Erninnermi ullormusiat

- a) Erninnermut atatillugu ataataasut sapaatit akunnerini pingasuinnarni ullormusiaqartineqartarnerannut suna tunngaviua?

7.6 Konto pingaarneq 30.10.37 Nuna tamakkerlugu meeqqanut inuusuttunullu angerlarsimaffit

- a) Kommunini akeqartitseriaatsip isornartorsiorneqarneranik Naalakkersuisut ilisimasaqarpat?
- b) Ulloq unnuarlu angerlarsimaffinnik kommunini amigaateqarneq qanoq annertutigiva?
- c) Inissiisarnermik suliassaqarfimmi periutsit pitsaanerpaat paasiniarlugit misisueqqissaartoqarsimava?

- d) Unnuakkut sumiiffissaaleqisartunik meeraqarnera eqqarsaatigigaanni inissat 160-it naamattut Naalakkersuisunit isigineqarpat?
- e) Matup qanoq pineqarnissaa paasissutissiissutigineqassasoq ataatsimiititaliamit kissaatigineqarpoq.

7.7 Konto pingaarneq 30.10.45 Meeqqat inuusuttullu immikkut ittumik suliniuteqarfigineqarnerat

- a) Matumani aningaasaliissutit immikkut suliniummut inuiaqatigiinni pisariaqartinneqartumut naamattutut nalilerneqarpat?
- b) Arnat persuttarneqarsimasut aammalu nuna tamakkerlugu qimarnguiit annertunerusumik suliniuteqarfigineqarnissaat pisariaqartinneqartutut Naalakkersuisunit isigineqarpa?
- c) Ilaqutariinnut sullissivinni sulisut amerlanerusut pisariaqartinneqarpat?
- d) Sinerissami ilaqutariinnut sullissiviit ilaqutariinnullu højskolit atornerarannut kisitsisit qanoq ippat?
- e) Kommunit sorliit ilaqutariinnut sullissiveqarnissamik aammalu ilaqutariinnut højskoleqarnissamik immikkut pisariaqartitsippat aammalu suliniutit sorpiat ingerlanerarsimappat?
- f) Pikkorissartitsinermi siunnersortinut Naalakkersuisoqarfimmi atorfeqartitanut aningaasartuuteqartoqartoq Naalakkersuisut paasissutissiissutigaat. Aningaasat taakku kontonut pingaarnernut allanut nuunneqarsinnaappat aammalu aningaasat qanoq amerlatigisut pineqarpat?
- g) Sulianik meeqqanut tunngasunik suliarinnittarnermi immikkut suliniuteqarneq qanoq ingerlava?

7.8 Konto pingaarneq 30.10.46 Qitiusumik siunnersuisarfik

- a) Telefonikkut siunnersuisarfik qitiusumik siunnersuisarfiup ataaniittoq sumi inissimava?
- b) Suliniutinut kinguaassiutitigut atornerluinermik pinaveersaartitsiniarnermik siunertaqartunut aammalu kinguaassiutitigut atornerlunneqarsimasunut atornerluisunullu katsorsaansamik neqeroorutinik pilersitsinissamut tapiissuteqartarnermik suliassaq Naalakkersuisoqarfiup suliassaatut Naalakkersuisunit isigineqarpa?
- c) Sullissisunut assigiinngitsunut pikkorissartitsinerit pillugit suliassami kisitsisit soq 0-inngortinneqarsimappat?
- d) Kontomut pingaarnermut nutaamik oqaasertaliussisoqarpoq. Tamanna aningaasanut inatsisini oqaasertaliussanik atuinerup annikillisarneqarnissaanik Naalakkersuisut suliniuteqarnerannut naapertuuppa?
- e) Oqaasertaliussat aningaasanut inatsimmi ilanngunneqartut ukiumut ataasiinnarmut atuuttuupput. Oqaasertaliussap nutaap taassuma ukiup ataatsip qaangiunnerani peerneqarnissaa ataatsimiititaliamit naatsorsuutigineqarsinnaava?

7.9 Konto pingaarneq 30.11.10 Ineqarnermut tapiissutit

Aaqqissuusseqqinnissat aggersut ineqarnermut tapiissutinut qanoq sunniuteqassappat?

7.10 Konto pingaarneq 30.12.08 Utoqqalinermi pensionisiat Aningaasaliissutit ikilinerannut suna tunngaviua?

7.11 Konto pingaarneq 30.12.09 Siusinaartumik pensionisiat Suliat qassit maanna suliareqqinneqarpat?

7.12 Konto pingaarneq 30.13.07 Danmarkimi Kalaallit Nunaannilu inissiinernut qitiusumik immikkoortitat

- a) N 2015-imi isertitaqartoqarsimanerata nalunaarneqarsimaneranut suna pissutaava?
- b) Aningaasartuutit ilaat qanoq amerlatigisut meeqqat inuusuttullu isigiarsuttut nu-natsinniittut ilitersorneqarnerannut atorneqarsimappat?
- c) Paaqqinniffik inukitsillugu paaqqinniffinni sulisut sulisoriinnarnissaannut aningaasa-liinissap qulakkeerqarnissaa siunertaralugu piffissami killiligaasumi paaqqinniffin-nut immikkut ilisimasaqarfiusunut konto aqutigalugu nuussisoqarsinnaasoq Naalak-kersuisut paasissutissiissutigaat. Tamanna qanoq ingerlanneqartarpa?

7.14 Konto pingaarneq 30.13.41 Innarluutilinnut angerlarsimaffiit

Innarluutilinnut angerlarsimaffinni sulisut pikkorissarnissamik qanoq annertutigisumik neqeroorfigineqartarpa?

7.15 Konto pingaarneq 30.13.43 Nuna tamakkerlugu innarluutilinnut sullissivik

Suliassami kisitsisit pillugit takussutissiami takuneqarsinnaavoq innarluutilinnut kiisalu sulianik ingerlatsisunut allanullu innarluutilinnik suliaqartunut siusissukkut suliniuteqarner-mut kisitsisit N 2015-ip kingorna appariarsimasut. Tamatumunnga suna tunngaviua?

7.15 Konto pingaarneq 30.14.29 Isumaginninnermi suliniutit

- a) Eqqugaasinnaasut, soorlu meeqqat inuusuttullu, innarluutillit, utoqqaat ilaqutariillu inooqatigiinnerminni ajornartorsiutaat pillugit paasisitsiniaanermut aningaasaliissutit aamma atorneqarsinnaasut missingersuutinut ilanngussami allassimavoq. Siunertamut tassunga aningaasat qanoq amerlatigisut atorneqartarpa taakkunungalugu aningaasanik qinnuteqarsinnaanermut periarfissaqarnera qanoq siuararterneqartarpa?
- b) Missingersuutinut ilanngussami nakuusernarnermut akiuiniarneq pillugu immik-koortup ataani allassimavoq iliuusissatut pilersaarummi suliniutit 31-iusut pingaar-nertut anguniakkanut tapersiinissamut tunngatinneqatut. Tamatumani iliuusissat suut pineqarpa?

7.17 Konto pingaarneq 30.14.31 Meeqqat pisinnaatitaaffii pillugit suliffik

Telefonikkut siunersuisarnermut MIO aningaasanik amigaaateqarpa, taamaassimappallu tamanna Naalakkersuisunit qanoq aaqiivigineqalersarpa?

8. Suliassaqarfik 34 – 35 Peqqissutsimut Nunanillu Avannarlernik Suleqateqarnermut Naalakkersuisoq

8.1 Konto pingaarneq 34.01.01 Peqqissutsinut Naalakkersuisoqarfik

N 2015-ip aammalu AI 2016-ip akornanni sooq akissarsianut aningaasartuutit qaffappat aningaasartuutillu allat apparlutik?

8.2 Konto pingaarneq 34.01.03 Missingersuutinut iluarsiiisutit

Tamatuma itisilerneqarnissaa ataatsimiititaliamit kissaatigineqarpoq.

8.3 Konto pingaarneq 34.11.01 Napparsimasut nunani allani katsorsarneqartarnerat

- a) Piffissap ingerlanerani aningaasaliisutit qaffakkiartornissaat killilersimaarniarlugu Naalakkersuisut qanoq iliuuseqalersaarpat?
- b) Suliassat Kalaallit Nunaanni isumagineqarsinnaanissaat Naalakkersuisunit qanoq qulakkeerneqarsinnaava?

8.4 Konto pingaarneq 34.11.03 Dronning Ingridip Napparsimmavissua

- a) DIN-imi siniffiit inissat amerlineqarnissaat pilersaarutaava?
- b) Utaqqisunut tunngasumik pissutsit qanoq ippat?
- c) Nakorsanit telefonikkut sullinneqarneq aammalu nittartakkamik atuineq qanoq ippat aammalu takkununga aningaasat qanoq pissarsiarineqartarpat?
- d) DIN upalungaarsimanissamik (SAR-imik) sungiusarnermi peqataava, taamaasimapallu tamanna kontomi pingaarnermi matumani allassimsariaqangila?

8.5 Konto pingaarneq 34.11.08 Atornerluisunik katsorsaannermut pilersaarut

- a) Konto pingaarnermut matumunnga aningaasaliisutit malunnaatilimmik amerleriarnerat Naalakkersuisut nassuiarpaat. Ukiunili missingersuusiorfinni nikingassutinut suna tunngaviunersoq paasissutissiisutigineqassasoq ataatsimiititaliamit kissaatigineqarpoq.
- b) Atornerluisunik katsorsaannermut pilersaarutip piviusunnigortinneqarneranut atasumik aningaasat konto pingaarnerup 64.13.23-ip, Majoriamut tunngasup, ataani Majoriaq-centerini imaluunniit suliffissarsiuussisarfanni sulisut atornerluisunik katsorsaasarnermi qitiullutik inissisimanissaminnut piukkunnarsarneqarnerannut atatillugu atornerqartut itisiliivigineqarnissaat ataatsimiititaliamit kissaatigineqarpoq.

8.6 Konto pingaarneq 34.12.01 Nunap immikkoortuini peqqinnissaqarfii. nakorsanit sullinneqarneq

- a) Napparsimasunik qarasaasiakkut nalunaarsuisarnerup qaqugu inaarlugu ineri-sarneqarsimanissaa naatsorsuutigineqarpa?

8.7 Konto pingaarneq 34.12.03 Ataatsimut aningaasartuutit. napparsimasunik angallassinert

- a) Politiit sakkutuulluunniit suleqatiginerisigut napparsimasunik angallassigasuarnermut aningaasartuutit ikilisinneqarsinnaanerannut periarfissat Naalakkersuisunit misisorneqarsimappat?
- b) Inuiaqatigiit katitigaaneranni allanngoriartortoqarnissaanik aammalu utoqqaat amerliartornissaanik naatsorsuutiginninneq pissutigalugu angalanerunissamik naatsorsuutiginninneq itisiliiffigineqassasoq ataatsimiititaliamit kissaatigineqarpoq.

8.8 Konto pingaarneq 34.12.05 Nuna tamakkerlugu nakorsaaserisoqarfik

Nakorsaatinik atuinnermut tunngatillugu aningaasarsiat apeqqutaatillugit atuisunut akiliuteqar-titsisalnissamut periarfissat Naalakkersuisunit misissorneqarsimappat?

8.9 Konto pingaarneq 34.14.01 Nunatsinni Nakorsaaneqarfik

- a) Naammagittaalliutit N 2015-imit AI 2016-imit taama annertutigisumik nikeriar-nerannut suna tunngavia?
- b) Allaffissornikkut suliasat tarnikkut nappaatinut inatsimmut attuumassuteqartut suu-nersut itisilernerqassasoq ataatsimiititaliamit kissaatigineqarpoq.

9. Suliassaqarfik 40 Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq

9.1 Konto pingaarneq 40.01.01 Ilinniartitaanermut. Kultureqarnermut. Ilisimatusarnermut Ilageeqarnermullu Naalakkersuisoqarfik

- a) Pisortat sooq taama amerlatiginersut paasissutissiissutigineqassasoq ataatsimiititaliamit kissaatigineqarpoq.

9.2 Konto pingaarneq 40.01.08 Ilinniartitaanermut tunngasuni immikkoortumut pilersaarut

Aningaasaliissutit ikilinerannut pissutaasutut missingersuutitut ilanngussami taaneqartut sarniatigut suut tunngaviunersut paasissutissiissutigineqassasoq ataatsimiititaliamit kissaatigineqarpoq, missingersuutinummi ilanngussami pissutaasutut taaneqartut aningaasaliissutit tamakkiisumik ikilissutaannut matussusiisorinangimmata.

9.3 Konto pingaarneq 40.02.01 Iliniartut ineqarfiisa allaffeqarfiat

Nuummi Nuussuarmilu ilinniartunut ineqarfiit pillugit qup. 381-imi suliassami kisitsisinut nassuiaatit itisilerneqarnissaat ataatsimiititaliamit kissaatigineqarpoq.

9.4 Konto pingaarneq 40.02.03 Aningaaserivinnit taarsigassarsiaritit

Piffissap ingerlanerani aningaasaliissutaasartut suliassamilu kisitsisit ineriartorsimanerisa ataqatigiinnerat itisiliiffigineqassasoq ataatsimiititaliamit kissaatigineqarpoq.

9.5 Konto pingaarneq 40.02.05 Ilinniarnermut atatillugu taarsigassarsianut akilersuutit

UPA 2016/114-ip (Ilinniagaqarnersiutit pillugit Inatsisartut inatsisaata allanngortinneqarneranik Inatsisartut inatsisissaattut nr. xx af xx xx 2016-imeersussatut siunnersuut) akuerineqarnera kontomi pingaarnermi matumani aningaasaliissutitut qanoq sunniuteqarpa?

9.6 Konto pingaarneq 40.02.06 Ilinniarnermi tapiissutit meeqqanullu tapit aamma Konto pingaarneq 42.02.07 Immikkut ikiorsiissutit, angalanermut aningaasartuutit il.il., suliffeqarfiit

- a) Suliassami kisitsisinut nassuiaatit ataatsimiititaliamit ima paasineqarput; kontoni pingaarnerni taakkunani suliassami kisitsisit assigiinnngissutaat ilinniartunut danskit ilinniarnersiutaannik ilinniagaqarnersiutisartunut taamaallaat tunngasuusut? Naalakkersuisut oqaaseqaateqarnissaat qinnutigineqarpoq.
- b) Ilinniarfimmuut ataatsimut tapiissutit ataanni Saviminilerinermik Ilinniarfimmuut 2017-ip 2018-illu akornanni tapiissutit ikileriarnerat sumik pissuteqarpa?

9.7 Konto pingaarneq 40.10.06 Kalaallit Nunaanni efterskolit ingerlanneqarnerannut tapiissutit

- a) ”Efterskoli pillugu malitassaq” naapertorlugu atuarfinnik sisamanik pilersitsinissaq aningaasanut inatsisissatut siunnersuummut nassuiaatini qupp. 107-mi taaneqarpoq. Taakku sumi inatsisimasussatut Naalakkersuisunit eqqarsaatigineqarpat?
- b) Efterskolini marlunni atuartut inooqataanikkut atuagarsornikkullu unammilligassaat pillugit Naalakkersuisut qanoq misilittagaqarpat?
- c) Maniitsumi efterskolimi meeqqanut immikkut pisariaqartitsisunut ilinniartitsinermut tapiissutit 2017-imi 0 kr.-inngorlugit ikilineqarsimapput. Tamatumani atuartut atuarniarnermikkut allanniarnermikkullu ajornartorsiutillit pineqartut ataatsimiititaliap naatsorsuutigaa. Tamatuma kingorna ilinniartitsineq taanna qanoq aningaasalersorneqassava?

- d) Villads Villadsenip Efterskoliani aammalu Maniitsumi Efterskolimi atuartut qassit 2016-imi aallartissimanersut aammalu qassit 2017-imi aallartittussatut naatsorsuutigineqarnersut paasissutissiissutigineqassasoq ataatsimiititaliamit kissaatigineqarpoq.
- e) 2015-imi aammalu 2016-imi atuartut efterskolimi aallartittut/taamaatiinnartut procentinngorlugu qanoq amerlatiginersut paasissutissiissutigineqassasoq ataatsimiititaliamit kissaatigineqarpoq.
- f) Atuarfinni maluusuni ilinniartitsisussaqaarniarneq sulisussaqaarniarnerlu qanoq inner-soq aammalu ilinniartitsisut sulisullu taarsaannerat pillugu pissutsit qanoq inner-sut paasissutissiissutigineqassasoq ataatsimiititaliamit kissaatigineqarpoq.
- g) Atuarfinni ataasiakkaani siulersuisunut ilaasortat qanoq toqqagaasarnersut, tassungalu ilanngullugu ilaasortat najukkanit qitiusumilluunniit toqqarneqartarnersoq paasissutissiissutigineqassasoq ataatsimiititaliamit kissaatigineqarpoq.
- h) Siulersuisunut ilaasortassat tamakkerlugit ilaasortarineqarnersut paasissutissiissutigineqassasoq ataatsimiititaliamit kissaatigineqarpoq.
- i) Angajoqqaat akiliutissaminnik akiliinngitsoortarnerat efterskolit aningaasaqarneranut toqqaannartumik eqquisarnersoq paasissutissiissutigineqassasoq ataatsimiititaliamit kissaatigineqarpoq. Angajoqqaat akiliinngitsoortarnerat atuarfiit atuartunut neqerorutaannut sunniuteqartarnersoq paasissutissiissutigineqassasoq ataatsimiititaliamit kissaatigineqarpoq. Efterskolini tamani ukiuni marlunni kingullerni angajoqqaat akiliinngitsoorutigisimasinnaasaasa annertussusiat paasissutissiissutigineqassasoq ataatsimiititaliamit kissaatigineqarpoq.
- j) Angajoqqaat akiliisinneqartarunnaarnissaat nunatta karsianut qanoq akeqassava?
- k) Kontomi matumani aningaasaliissutit ½ mio. kr.-inik amerlineqarsimasut aammalu taakku tassaasut Villads Villadsenip Efterskolianut tunngaviumik tapiissutinut ilasutit ataatsimiititaliamit paasineqarpoq. Tamanna ataatsimiititaliamit ima paasineqassava efterskolit marluusut ingerlaannarnissaannut aningaasaliussat maanna naammalersut?

9.8 Konto pingaarneq 40.10.10 Namminersorlutik Oqartussat atuarfiutaat

- a) Nuummi parnaarussiviup nutaap atulernera konto pingaarnermut matumunnga qanoq sunniuteqassava?
- b) Atuartut Nuummut nuukkusunngitsut qanoq pineqassappat? Nuummut nuunngitsut qanoq periarfissaqassappat?

9.9 Konto pingaarneq 40.10.12 Efterskolit

N 2015-ip AI 2016-illu akornanni qaffariarnermut sanilliullugu aningaasaliissutit suliassami kisitsisinut qanoq ataqatigiissuseqarpat?

9.10 Konto pingaarneq 40.12.35 Avannaani ilinniarnertuunngorniarfik aamma 40.12.36 Qeqqani Ilinniarnertuunngorniarfik

- a) Nuummi atuarfiup Gymnasiumimik taanagu Gymnasial Skolemik taaneqarneranut suna tunuliaqutaava?
- b) Qeqqani Ilinniarnertuunngorniarfimmut sanilliullugu Avannaani Ilinniarnertuunngorniarfimmil ilinniartitsisut aningaasarsiaannut nalunaaquttat akunneri atorneqartut katilugit 20.000-it missaannik ikinnerusut peqatigisaanillu akissarsianut aningaasartuutit 2 mio. kr.-it missaannik amerlanerusut ataatsimiititaliamit paasineqarpoq. Tamanna qanoq paasineqassava?
- c) Atuarfinnut aningaasaliissutissat qanoq naatsorsorneqartarpat?

- d) Avannaani Ilinniarnertuunngorniarfimmu ilanngaaseereerluni aningaasartuutit naatsorsorneranni kukkusoqarsimava? Ilanngaaseereerluni aningaasartuutit 37.440-natik 37.340-ssanngillat?
- e) Naatsorsuosiornermik suliaasat Aningaasaqarnermut Sulisoqarnermullu Aqutsisoqarfimmu nuunneqarnerat atuarfiit aningaasaqarnerannik aqunneqarnerannillu nakkutiliinermmut siursaataasimasutut Naalakkersuisunit isigineqarpa?
- f) IT-mik suliaqartunik pisariaqartinneqartunik atuarfiit sulisussaqtartinniarneqarnerat qanoq ippa?

9.11 Konto pingaarneq 40.40.01 Ilinniartitaanermut Aqutsisoqarfik

- a) "Aningaasartuutit allat" amerleriarnerat sumik tunngaveqarpa?
- b) Ingerlatat oqaatsinik pikkorissarfiusumasumi ingerlanneqartartut sumi isumagineqartarpat?
- c) Ilinniusiorfiup ilinniusiaasa nunatsinni atuarfinni pisariaqartitsinermut naleqqussartuarneqarnissaat Naalakkersuisunit qanoq qulakkeerneqartarpa?

9.12 Konto pingaarneq 40.90.13 Siunnersuineq kiisalu tarnikkut inooqatigiinnikkullu nuna tamakkerlugu ilinniartunik siunnersuisarfik

- a) Aningaasanik atuinerup sunniutai uuttortarneqarsimappat?
- b) Aningaasaliissutinit pissarsiat iluaqutillu suut Naalakkersuisunit takussutissinneqarsinnaappat?
- c) Aningaasaliissutit atuisunut qanoq iluaqutissarsiffiullutillu pitsaannequteqarpat?
- d) Ilinniartitaanermi siunnersuinerup ilitersuinerullu nukittorsaavigineqarnissaannut Naalakkersuisut qanoq pilersaaruteqarpat?

9.13 Konto pingaarneq 40.91.07 Center for Arktisk Teknologi

Center for Arktisk Teknologip aammalu Pinngortitalerinermmik Ilisimatusarfiup (tak. konto pingaarneq 40.92.19) akornanni suleqatigiinnermmik pilersitsisinnaaneq Naalakkersuisunit isumallitigineqarsimava?

9.14 Konto pingaarneq 40.91.16 Niuernermik Ilinniarfik, Nuuk

Akissarsianut aningaasartuutit (19.296) aningaasartuutillu allat (14.368) suliasami kisitsisunut qup. 413-imiittunut qanoq ataqtigiippat?

9.15 Konto pingaarneq 40.91.20 Perorsaanermik Ilinniarfik

- a) N 2015-imut sanilliullugu sap. ak. klassinut atorneqartunut aammalu agguaqatigiissillugu atuaqtigiit amerlassusiannut suliasami kisitsisit appasinnerunerannut kiisalu ilinniartumut ataatsimut aningaasartuutit qaffakkiartuinnarnerannut suna tunngaviua? (tak. qup. 415)
- b) AI 2016-imi perorsaasutut naammassisut 13-iinnaanerannut suna tunngaviua?

9.16 Konto pingaarneq 40.91.21 Inuussutissalerinermmik Ilinniarfik, INUILI

Nunatta kujatani missingersuutit pillugit isumasioqatigiinnermmut atatillugu Narsamiillatsiarnermmi ataatsimiititaliap INUILI Neqi A/S-ilu sivikitsumik takuniarsinnaasimavai.

- a) Tassunga atatillugu INUILI-mi nateq ajornartorsiutaasimasoq ataatsimiititaliap maluginiarppaa. Tassunga atatillugu naqqup iluarsanneqarnera taassumalu qanoq aningaasalersorneqarsimanera pillugit paasitinneqarnissani ataatsimiititaliap kissaatigaa.

- b) Laboratoriaqartoq ataatsimiititaliamit aamma maluginiarneqarpoq. Laboratoriap taasuma qanoq pitsaanerpaamik atorluarneqalersaarnera paasissutissiissutigineqassasoq ataatsimiititaliamit kissaatigineqarpoq.
- c) Quppernermi 417-imi suliassami kisitsisinut takussutissiami savaatilinniinnerit sap. ak. holdit 45-t nalunaarneqarsimapput. Tamatuma itisilerneqarnissaa ataatsimiititaliamit kissaatigineqarpoq.
- d) Tassunga atatillugu Upernaviarsummi ingerlatsinerup nakkutilliinerullu qanoq ingerlanerat paasissutissiissutigineqassasoq ataatsimiititaliamit kissaatigineqarpoq.

9.17 Konto pingaarneq 40.91.23 Campus Kujalleq aamma 40.91.25 Peqqinnissakkut Ilinniartitaanernut Qitiusumik Ilinniarfik kiisalu 40.91.27 Teknikikkut Ilinniarfik

Atuarfinni ataasiakkaani isertitassatut missingikkat ineriartorsimannerannut suna tunngaviuma?

9.18 Konto pingaarneq 40.92.12 Ph.d.-mik ilinniagaqartutut ilisimatusarnermik ilinniarneq Ilinniarnermut atatillugu ilisimatusarnermik angusat uppernarsarneqarnissaat, toqqortarineqarnissaat ingerlateqqinneqarnissaallu qanoq qulakkeerneqartarpa?

9.19 Konto pingaarneq 40.92.13 Ilisimatusarfik

- a) Aningaasaliissutit agguataarneqarnerannut suliassami kisisinut takussutissiami qup. 437-mi N 2015-ip nalaani takuneqarsinnaavoq ilinniartitsisut sivikitsumik pikkorisarnerat, AD-tut aamma Masteritut ilinniagaqarneq kiisalu inuiaqatigiilerinermik, aningaasaqarnermik tusagassiornermillu ilisimatusarfik 0 kr.-imik nalunaarneqarsimasut. 2016-imi aningaasanut inatsimmi allassimavoq aningaasaliissuteqartoqartoq. Tamatumunnga suna pissutaava?
- b) Takussutissiami pineqartumi missingersuutinik iluarsineq -665.000-inngortinneqarsimavoq, missingersuutinullu ilanngussami qupperneq 431-mi allassimalluni konto pingaarneq 2017-imit 150.000 kr.-inik appaavigineqartoq? Pissutsit taamaannerat sumik pissuteqarpa?
- c) Ilisimatusarfirmi taamaatiinnartartunik kingullermik misissuinerup inernerata assilinerneqarnera ataatsimiititaliamit qinnutigineqarpoq.

9.20 Konto pingaarneq 40.92.14 Ajoqissanik organistinillu ilinniartisineq

- a) Akissarsianut aningaasartuutit takutinneqartut ineriartorsimannerannut suna tunngaviuma?
- b) Ajoqissatut organistitullu ilinniartut ilinniarnersiuteqartitaanerat pillugu ataatsimiititaliaq paasissutisseqqullugu Naalakkersuisut qinnuigineqarput.

9.21 Konto pingaarneq 40.92.19 Pinngortitalerinermik Ilisimatusarfik

Pinngortitalerinermik Ilisimatusarfiup aammalu Center for Arktisk Teknologip (tak. konto pingaarneq 40.90.07) akornanni suleqatigiinnermik pilersitsisinnaaneq Naalakkersuisunit isumalliutigineqarsimava?

9.22 Konto pingaarneq 40.94.11 Nunatta Atuagaateqarfia

Aningaasanut inatsisissatut siunnersuutip kalaallisuani suliassami kisitsisit ataanni (qup. 443) oqaaseq "Taarsigassarsisitsineq" atorneqarpoq. Tamanna ima paatsoorneqarsinnaammat ataatsimiititaliamit malugeqquneqassaaq; Nunatta Atuagaateqarfia aningaasalersuinikkut taarsigassarsisitsisarnermik ingerlataqartoq.

9.23 Konto pingaarneq 40.94.13 Timersornermut tapiissutit

- a) Najukkani peqatigiiffiit namminneq piumassutsiminnik ingerlatsisunik ingerlanneqartarput, ulluinnarnili ingerlataminnut aningaasanik amigaateqarajullutik. illoqarfinni anginerusunisut isorliunerusuni aningaasaliiffigitinnikkut tapiiffigineqarnissamut periarfissaqarajunngilaq. Najukkani peqatigiiffiit aningaasaliissutit ilaannik pissarsitinneqarnissaat qanoq qulakkeerneqarsinnaava?
- b) Sulinermi isertitassaraluarnit annaasanut 250.000 kr.-it immikkoortinneqarput. Island Gamesimi aqqissuussat aqqissuussinermi ilaatinneqarpat?
- c) Aningaasat maleruagassat naapertorlugit atorneqarsimanerisa uppersarneqarnissaa qanoq qulakkeerneqartarpa?

9.24 Konto pingaarneq 40.94.14 Nuna tamakkerlugu meeqqat inuusuttullu suliniaqatigiiffiit tapiissutit

- a) Sorlaap pisortat aningaasaataannik atornerluineranik suliaq naammassiva? Kalaallilu Nunaanni Spejderit tapiissutinik pissarsinissamut pisussaaffimminnik unioqquitsinermi aningaasanik utertitsissasut Namminersorlutik Oqartussat isumaqarpat? Naalakkersuisut akerlianik allatut isumaqassappata tamanna pillugu naatumik nassuiaat ataatsimiititaliamit qinnutigineqarpoq.
- b) Avalammut pinngitsoorani ilaasortaasariaqarunnaarneq Avalammut qanoq ajornartorsiuteqalersitsiva? Kattuffik ilaasortaqaassuseq malillugu tapiissutinik pisarpa?

9.25 Konto pingaarneq 40.94.17 Kalaallit Nunaata Radioa - KNR

- a) Aallakaatitassiap naammassillugu suliarineqareersimasup KNR2 aqutugalugu aallakaatinnera qanoq akeqarpa?
- b) Siornatut missingersuutitut ilanngussami allassimavoq KNR inunnik sullissinermi naammassisassat pillugit isumaqatigiissuteqarfigineqassasoq. Imaappa tamanna suli pisimangitsoq?
- c) KNR-imik ingerlatsinerup pitsanngortinneqarnissaanut Naalakkersuisut qanoq pilersaaruteqarpat?
- d) Siornamut sanilliullugu Kalaallit Nunaanni aallakaatitassiorunit allanit KNR-ip radiukkut tv-kkullu aallakaatitagai annertuumik allannguuteqartinneqarsimapput. Takukkit suliasami kisitsisit qup. 451-imiittut. Tamatumunnga suna pissutaava?
- e) P1 98 mhz-ip atorneqarnissaa pilersaaruteqarfigineqarpa?

9.26 Konto pingaarneq 40.94.18 Katuap

- c) Piffissami kingullemi aqqissuussinerit suut Katuap Nuummi sinerissallu sinnerini ingerlassimavai?
- d) Katuap aqqissuussaasa sapinngisamik annertunerpaamik nunatsinnut tamanut anngunnissaat Naalakkersuisunit qanoq qulakkeerneqalersaarpa?

9.27 Konto pingaarneq 40.94.20 Arctic Winter Games aamma Island Games
Island Gamesimut 0 kr.-inik immikkoortitsisoqarsimaneranut suna tunngaviua?

9.28 Konto pingaarneq 40.94.26 Kanalini digitaliusuni pisinnaatitaanermut akiliutissat
DR 1-ip, DR 2-p aamma DR ULTRA-p saniatigut kanalit digitaliusut neqeroortigineqartarput amerlineqarnissaat Naalakkersuisut pilersaarutigaa?

9.29 Konto pingaarneq 40.94.27 Oqaasileriffik

- a) Konto pingaarnermut aningaasaliissutit amerlinissaat Naalakkersuisunit pilersaarutigineqarpa?

- b) Ilisimatusarnermik uppernarsaasersuinermillu suliassaqarfimmut misissuinernullu al-
lanut ukioq kingulleq aningaasaliissutit qanoq angusaqarfiuppat?
- c) Nunap aqqi pillugit Oqaasileriffimmi sulianik danskit naalackersuisoqarfiannut nunap
immallu assinginik suliaqartumut ingerlatitseqqittoqartarpa? Kikkut suliaq tamanna
ataqatigiissarpaat?

9.30 Konto pingaarneq 40.94.28 Nunatsinni tusagassiutinut naqitanut tapiissutit aamma
40.94.29 Nunatsinni tusagassiutinut naqitanut ingerlatsinernut tapiissutit

Pissarsisut aammalu aningaasat sumut atorineqarsimanerannut nalunaarsorsimaffimmik nas-
sinneqarnissaq ataatsimiititaliamit kissaatigineqarpoq.

9.31 Konto pingaarneq 40.95.01 Eqqumiitsuliornermut kulturimullu tapiissutit allat

- a) Tapiissutinik qinnuteqartunut pissarsisunullu takussutissiamik pissarsisut qanoq ta-
piiffigineqarsimanerisa nalunaarneqarsimanerani imalimmik nassinneqarnissaq a-
taatsimiititaliamit kissaatigineqarpoq.
- b) Meeqqat qimussimik sukkaniunnerannut tapiissuteqarnissaq Naalackersuisunit isu-
maliutigineqarsimava?
- c) Atuakkanik kalaallisuunik saqummiinissamut qassit qinnuteqarsimappat qassillu ta-
piissutinik tunineqarsimappat?
- d) Atuakkanik kalaallisuunik saqummiisarneq siuarsarniarlugu suliniuteqarnissaq
Naalackersuisunit pilersaarutigineqarpa?

9.32 Konto pingaarneq 40.95.05 Nunatta Isiginnaartitsisarfia

2015-imi 2016-imilu aqqissuussinerit suut Nunatta Isiginnaartitsiviata Nuummi sinerissallu
sinnerani ingerlassimavai?

9.33 Konto pingaarneq 40.97.03 Kalaallit Nunaanni ilagiit

- a) Atorfiit amerlassusiligaanerannut sanilliullugu atorfiit qassit inuttalerneqarsimappat?
- b) Atorfiit sumiittut suli inuttalerneqanngillat?

10. Suliassaqarfik 50 - 51 Aalisarnermut, Piniarnermut Nunalerinermullu Naalakkersuisoq

10.1 Konto pingaarneq 50.01.01 Aalisarnermut, Piniarnermut Nunalerinermullu Naalakkersuisoqarfik

N 2015-ip kingorna akissarsianut aningaasartuutit amerleriarsimanerannut suna tunngaviua, suliassamimi kisitsisit allannguuteqanngimmata?

10.2 Konto pingaarneq 50.01.17 Aalisarneq pillugu EU-mik isumaqatigiissut

Tuluit EU-mit aninerat konto pingaarnermut matumunnga qanoq kinguneqartussatut naatsorsuutigineqarpa?

10.3 Konto pingaarneq 50.01.20 Aalisarneq piniarnerlu

Missingersuutit naatsorsuutillu uteqqiattumik assigiinngissuteqarnerat suliassami kisitsisit naleqqussarneqarnissaannik tunngavissiiva?

10.4 Konto pingaarneq 50.06.50 Aalisarnermut aningaasaliissutinut immikkoortitat

- a) Piffinni nunap pisusii immikkut ittut aalisariutinik isaterinissamut aningaasaliussat atorneqarnissaannut aporfusinnaappat?
- b) Ukiuni kingullerni kisitsisit eqqarsaatigigaanni ukioq manna aningaasanik atorneqanngitsoortunik immikkoortitsisoqarnissaa Naalakkersuisunit ilimagineqarpa?

10.5 Konto pingaarneq 51.03.02 Nunalerinermik inuussutissarsiuteqartunut aningaasalersuinikkut tapersiisarneq

- a) Savanut piaqqiortunut/savaaqqanut arnavissanut aningaasaliisoqartariaqarneranik Nunalerineq pillugu Ataatsimiititaliarsuup naliliinera Naalakkersuisunit qanoq isumaqarfigineqarpa? Tamanna qanoq malitseqartinneqarsimava?
- b) Savanik tunisassiornerup annertusarneqarnissaa pillugu Naalakkersuisut qanoq anguniagaqarpat?
- c) Savaatillit amerlisimappat, tassami N 2015-imut sanilliullugu aningaasaliissutit amerlineqarsimammata?

10.6 Konto pingaarneq 51.03.03 Ineriartortitsinermut aningaasatigut tapersiissutit

- a) Nunalerinermut siunnersuisoqatigiinni nunalerinermik ilinniarsimasumik sulisoqarpa?
- b) Nunalerinermi imminut napatittumik inuussutissarsiorsinnaaneq siuarsarniarlugu Naalakkersuisut sunik suliniuteqarpat?

10.7 Konto pingaarneq 51.07.40 Taarsigassarsiarititat ernialersugaanngitsut akilersuutitaqanngitsullu

- a) ESU-mik aaqqissuussinerup atorunnaarsinneqarnissaa imaluunniit ESU aqquutigalugu taarsigassarsiat isumakkeerinnissutigineqarnissaat Naalakkersuisunit pilersaarutigineqarpa?
- b) Aaqqissuussineq kinguaariit nikinnerannut atatillug qanoq annertutigisumik ator-neqartarpa?

10.8 Konto pingaarneq 51.07.42 Taarsigassarsiat erniallit aamma 51.07.43 Taarsigassarsianut ernialinnut akilersuutit

- a) Taarsigassarsiallit, taarsigassarsinissamik suliassat, taarsigassarsisut ernianut aki-liutaasa akiitsunut akilersuutit, taarsigassarsiat erniallit aammalu piffissaq eqqorlugu

akiliinissamut tapiissutit qanoq amerlatiginerannut takussutissiaq ataatsimiititaliamit kissaatigineqarpoq.

- b) Isertitat aningaasartuutillu ilanngaaseereerluni aningaasartuutitut tunuliaqutaasut qanoq amerlatigippat?

10.9 Konto pingaarneq 51.07.44 Ernianit isertitat

Taarsigassarsiat akiligassaminnullu kinguaattooqqasut qanoq amerlatiginerannut takussutissiaq ataatsimiititaliamit kissaatigineqarpoq.

10.10 Konto pingaarneq 51.07.50 Savaatillit nioqqutissanik pisiortornerminni taarsigassarsiaannut qularnaveeqqutinik akiliineq

Qularnaveeqqutit tunniussat aammalu qularnaveeqqutinik akiliinerit pillugit kisitsisitigut takussutissiaq ataatsimiititaliamit kissaatigineqarpoq.

11. Suliassaqarfik 62-64 Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq

11.1 Konto pingaarneq 64.01.01 Inuussutissarsiornermut, Suliffeqarnermut Niuernermullu Naalakkersuisoqarfik

Pisortat sooq taama amerlatigippat?

11.2 Konto pingaarneq 64.01.04 Piginnaasanik ineriartortitsiviusumik pikkorissarnerit

- a) Piginnasaqarfivivisanik paasiniaanernik suliaqarneq konto pingaarnermut matumunnga ilaava, taakkuninngalu suliaqarneq qanoq isumagineqartarpa?
- b) Peqqinnissaqarfimmut tunngasuni pikkorissartitsinerit immikkut aaqqissuussat konto pingaarnermut matumunnga ilaappat?

11.3 Konto pingaarneq 64.01.05 Nunaqarfinni isorliunerusunilu inuussutissarsiornermi suliffeqarnermilu ineriartortitsineq

- a) Narsami Nanortalimmilu kalaalimeerniarfiit sooq atorunnaarsinneqarpap?
- b) Taarsiullugu taakku qanoq atorneqarpap?
- c) Taakkuninnga atuineq qanoq siuarsaavigineqarpa?

11.4 Konto pingaarneq 64.10.06 Taarsigassarsianut qularnaveeqqusiissutit akilerneqarneri Suliassami kisitsisit nikerarnerat sumut ersiutaava?

11.5 Konto pingaarneq 64.10.12 Nioqutissanik pilersuineq

Piffissamut nutaamut 1. januar 2017-imi aallartittussamut kiffartuussinissamik isumaqatigiisutissaq Naalakkersuisunit qulakkeerneqareerpa?

11.6 Konto pingaarneq 64.10.17 Nunami inuussutissarsiutinut takornariartitsinermullu tapiissutit

- a) Suliassamut kisitsisini iliuseqarfugalugit sulissutigineqartussat 2017-imit 0-inngortinneqarnerannut suna tunngaviua, taarsiullugulu qanoq iliortoqassava?
- b) Neqi A/S-imut kiffartuussinissamut isumaqatigiisummut aningaasaliissutit iki-lineqarsimanerannut suna tunngaviua?
- c) Aalisakkanik suliffissuarnut akigitinneqartut assinginik innaallagissamut akiliisaler-nissaminnut assersuutigalugu Neqi A/S aamma Great Greenland qanoq periarfisaqarpap?
- d) Nukiit nunatsinniittut atornissaat Naalakkersuisunit pilersaarutigineqarpa?

11.7 Konto pingaarneq 64.10.25 Suliniutit angisuut

- a) Suliniutip maanna killiffia naatsumik nassuiaatigeqqullugu Naalakkersuisut qinnuigineqarpap.
- b) Suliniutit angisuut allat suut suliniutigineqarpap?
- c) Matumani aningaasaliissutit sooq aalajangiusimaneqarpap?
- d) Matumani aningasaliissutit ukiuni kingullerni tallimani qanoq pissarsissutigineqarpap?
- e) Konto pingaarnerup matuma atorunnaarsinneqarnissaa pilersaarutaava?

11.8 Konto pingaarneq 64.10.27 Inuussutissarsiutit ineriartortinnerinut pilersaarinerinullu suliniutit

- a) Ataasiinnarmik isaaveqarluni sullissinermi akuersissutit suut pineqarpap?

- b) Ataasiinnarmik isaaveqarluni sullissinermi suliat qanoq ittut suliarineqarsimappat aammalu suliamik ingerlatsineq nalinginnaasumik qanoq sivilutigisarsimava kiisalu suliat sukkasuumik suliarineqarnissaat anguneqarsinnaaqullugu sulisussat naammattut atugassiissutigineqarsimappat?
- c) Suliniutinut sunut aningaasat atorineqarsimappat?
- d) Qeqertarsuarmi suliniut taamaatinneqarsimava?
- e) Takornariat ornittagaannut aningaasaliissutit konto pingaarneq una aqqutigalugu tunniunneqartanninnerannut suna tunngaviua?

11.9 Konto pingaarneq 64.13.19 Nuttarnerulestitsiniarluni aningaasaliissutit

- a) Suliassami kisitsit 2015-imiilli allanngorsimannerannut suna tunngaviua?
- b) Aaqqissuussinerup atornissaank qassit qinnuteqarsimappat aammalu nuunnerit qassit konto una aqqutigalugu pisimappat?
- c) Nuttarnerep malunnaatilimmik annertunerulernissaa siunertaralugu aaqqissuussinerup aaqqissuuteqqinneqarnissaanut Naalakkersuisut qanoq periarfissaqarsoraat?
- d) Missingersuutinut ilanngussami immikkoortoq kingulleq aningaasartuutinut allanut tunngasoq itisilerneqassasoq ataatsimiititaliamit kissaatigineqarpoq.

11.10 Konto pingaarneq 64.13.21 Piginnaanngorsaaqqinneq

- a) Sooq suliassami kisitsit 500-mit 350-mut ikileriarpat, naak aningaasaliissutit allannguteqanngitsut?
- b) Aaqqissuusseqqinnissat konto pingaarnermut matumunnga qanoq sunniuteqartussat naatsorsuutigineqarpat?
- c) Konto pingaarnermi matumani aningaasaliissuteqarnermi siunertamut tunngatillugu kommuninit suut isumagineqartarpat?
- d) Piginnaanngorsaaqqinnissamik siunertaq konto pingaarnermut matumunnga aningaasaliissutit amerlinerisigut siuarsarneqarsinnaava?
- e) Kommunitimik avitsisinnaaneq konto pingaarnermut matumunnga qanoq sunniuteqarsinnaasutut naatsorsuutigineqarsinnaava?

11.11 Konto pingaarneq 64.13.23 Majoriaq

- a) Naalakkersuisut isumaqarluinnarpat Majoriamik aaqqissuussineq ataavartuussasoq?
- b) Suliniutissat suut pilersaarutigineqarsimappat aammalu Majoriamik pilersitsinermi siunertaaqqaartup anguneqarnissaanut suliniutissat taakku nutaat iluatsitsiviusumik ingerlanneqarnissaannut suut piumasaqaataappat?
- c) Konto pingaarnermi matumani aningaasaliissutit appartikkiartuaarneqarnissaasa iluatsitsiviunissaanut suut piumasaqaataappat?
- d) Atuarfimmut aningaasartuutinut sanilliullugu Majoriamut aningaasaliissutit procentinngorlugit maanna qanoq annertutigippat?
- e) Ilinniartitsisut qanoq amerlatigisut, ukioq naallugu sulisorisanut naatsorsorlugit, Majoriaq-centerini atorineqarpat aammalu ilinniartitsisut taakku ilaat procentinngorlugit qanoq amerlatigisut atuarfimmi ilinniartitsisutut ilinniagaqarsimappat?
- f) Majoriaq-centerini ataasiakkaani pisortat qassit atuarfimmi ilinniartitsisutut ilinniagaqarsimappat taamatulluunniit qaffasissusilimmik ilinniagaqarsimallutik?
- g) Majoriaq-centerini ilinniartitsisutut sulisussat sulisussallu allat qanoq amerlassusiligaappat amelassusiliinermullu sanilliullugu aalajangersimasumik atorfeqartitat qassuuppat?
- h) Missingersuutinut ilanngussami allassimavoq Majoriaq-centerit suliassaat pingaarnerpaaq tassaasoq innuttaasut ataasiakkaat ilitsersornissaat piginnaasaannillu qaffas-

saanissaq, taamaaliornikkut ullumikkut siunissamilu inuussutissarsiornermi sulisinaasut patajaatsut, piumassusillit, piukkunnartut sungiussiasullu pigineqalernissaat qulakkeerneqarsinnaaqullugu. Majoriaq-centerini ataasiakkaani sulisorisanut tunngatillugu suliassaq taannarpiaq kimit isumagineqarpa? Ilitsersuisunik tunngaviumk ilinniartitaaneq matumani atorineqarpa?

- i) Kiffartuussinissamut isumaqatigiissutit ukioq kingulleq aningaasanut inatsisissatut siunnersuummik suliarinninnermut atatillugu Aningaasaqarnermut Akileraartarnermulu Ataatsimiititaliamit tigneqartut allannguuteqartinneqarsimappat?
- j) Majoriaq-centerit suliassaat arlallit missingersuutitut ilanngussami nassuiaatigineqarput. Suliassat taakku siusinnerusukkut kikkunnit isumagineqartarsimappat?
- k) Inuit ataasiakkaat najukkani Majoriaq-centerini 2015-imi 2016-imilu aallartittut qas-siuppat inuillu ataasiakkaat taakku qanoq ingerlaqqissimappat?
- l) Tassunga atatillugu uteqqiattoqartarpa?
- m) Qaffassarnerni atuagarsornertaqanngitsuni suut ingerlanneqartarpat qaffassarnernillu taakkuninnga qassit aallartitsisarlutillu naammassinnittarpat? Qaffassarnernik taakkuninnga ingerlatsisimasut qassit aaqqissuussineq piviusumik iluaqutissarsiffigisarpaat?
- n) Inuit ataasiakkaat qassit sulinerminni ingerlaqqinnissamut ilitsersorneqarnissamik aammalu iliuusissatut pilersaarusiornissamik neqeroorfigineqarsimappat?
- o) Inuit ataasiakkaat qassit sulinerminni ingerlaqqinnissamut ilitsersorneqarnissamik aammalu iliuusissatut pilersaarusiornissamik neqeroorfigineqarnertik akuerisimavaat?
- p) Inuit ataasiakkaat qassit ilinniagaqarnissamut- imaluunniit sulinissamut piginnaanngorsaataasumik piareersarnerit ingerlassimavaat?
- q) Inunnit ataasiakkaanit taakkuninnga qassit tassunga atatillugu ilinnialernissamut akueritissimappat suliffittaarsimallutilluunniit?
- r) Atuarfimmi atuartunik angajullernik ilitsersuineri suliassat sorpiaat atuarfimmik sulleqateqarlutik Majoriaq-centerit ingerlattarpat?
- s) Suliassat taaneqartut qulingiluat Majoriaq-centerinit suliarineqartussat Majoriaq-centerit arlalinnit isumagissallugit annertuallaarnersut Naalakkersuisunit isumaliutigineqarsimava?
- t) Suliatigut pikkorissarnerit aammalu ilinniagaqarnissamut- imaluunniit sulinissamut piginnaanngorsaataasumik piareersarnerit nunatsinni tunngaviumk ilinniarfippas-suannortunit pitsaanerumik ingerlanneqarsinnaappat?
- u) Majoriaq-centerit sorliit suliassaq naammaginartumik isumagisarpaat? Suliassat iluat-sitsiffiusumik isumaginissaannut piumasaqaatinik suliaqartoqarsimava?
- v) Suliffeqarnermi ineriartorneq siuarsarniarlugu akeqanngitsumik nuna tamakkerlugu sullissineq aammalu najukkami, nunap immikkoortuani nunalu tamakkerlugu inuussutissarsiuteqarnermi suliffeqarnikkut iliuusissamik ujartuineq nunap immikkoortuani nunaluunniit tamakkerlugu ingerlatsivinnit qulliunerusunit isumagineqarunik pitsaanerussannginnerpa?
- w) Atuarfimmi ilutsilluartumik siusissukkut iliuuseqarnek aammalu ilinniartitaanikkut isumaginninnikkullu siusissukkut iliuuseqarnermik tapertaqartinneqartoq, Majoriamit isumagissallugu nukissaarunneqarfiginarsorinartoq, inuusuttut ilinniagaqalernissamut sulilernissamullu piareersimanerannut pitsaasumik sunniuteqarsinnaasoq Naalakkersuisunit takorloorneqarsinnaava. Siunertamut aningaasaliissutit amerliartuinnartut amerlisimasullu tunngavigalugit Piareersarfiit/Majoriap sunniutaasa takussaasut annertuumillu pisariaqartinneqartut utaqeqqikkuminaatsutut ataatsimiititaliamit isigineqarput. Piareersarfiit taaguutaata Majoriamik taarserneqarnera ajornartorsiummut tassunga iluaqutaasinnaagunangilaq, taaguummilli allanngortitsineq suliassap naammassineqarsinnaanngissusianut ersiutaannaasinnaavoq.

11.11 Konto pingaarneq 64.13.26 Suliffissanut isertarfik

- a) Suniut taanna sumut killippa?
- b) Nunatsinni sulisussat nunap immikkoortui akimorlugit atorneqartarnissaannik siunertaq "suliffissanut isertarfik" aqutigalugu eqquutsinneqarpa?
- c) Sulisussarsiorluni allagarsiussat Namminersolutik Oqartussat, kommunit namminersorlutillu inuussutissarsiutillit akornanni qanoq agguataarsimappat?

12. Suliassaqarfik 66 – 67 Aningaasaqarnermut Aatsitassanullu Naalakkersuisoq

12.1 Konto pingaarneq 66.01.01 Aatsitassanik Aqutsisoqarfik – Allaffissorneq

- a) Qinnuteqaatit qassit tiguneqarsimappat suliassallu qassit maanna suliarineqarpat?
- b) Misissueqqaarnerit qassit isumalluarnartutut Naalakkersuisunit isigineqarpat aammalu qassit akuerineqartussatut naatsorsuutigineqarpat?
- c) Aatsitassat pillugit periusissaq kingulleq qanga suliarineqarpa?

12.2 Kontot pingaarneq 67.01.01 Aatsitassanut Ikummatissanullu Naalakkersuisoqarfik

- a) Aningaasartuutit allat suuppat?
- b) Kajumissutsimik ujarassiortut qassit akuersisummik tunineqarsimppat?

12.3 Konto pingaarneq 67.01.03 Geologimut pilerisaarinermullu suliniutit

- a) Aningaasartuutit allat suuppat?
- b) Ujarassiorit, Kangerlussuarimi, Narsarsuarimi Maniitsumilu qillerilluni qallukkanik toqqortaasivinnut sisamaasunut kiisalu nittarsaanermi ataatsimeersuarnernilu aatsitassanut tunngasuni nittarsaanermut aningaasartuuteqarnissaq qanoq amerlatigisunik aningaasaliffigineqarsimappat?

13. Suliassaqarfik 70 – 72 Ineqarnermut, Sanaartornermut Attaveqarnermullu Naalakkersuisoq

13.1 Konto pingaarneq 70.01.07 Sanaartornermi oqartussaassuseq

Nuummi qanoq akulikitsigisumik nakkutilliisoqartarpa amigartumillu nakkutilliisoqartarsimava?

13.2 Konto pingaarneq 70.10.03 Sillimmasiinerit

- a) AIS 2017-imi aningaasartuutit allat isertitallu sumut tunngappat?
- b) Piumasaqaatit suut aallaavigalugit sillimmasiineri nammineq akiliutissat 250.000 kr.-inut annertussusilerneqarpap?

13.3 Konto pingaarneq 72.02.03 Boligstøtte pillugu aqutsinermit pilersaarusiornermullu aningaasartuutit

Aningaasaliissutinit qanoq amerlatigisut suliassanut assigiinngitsunut missingersuutinit ilanngussami taaneqartunut atorneqarsimanerannik takutsisumik suliassami kisitsinut takusutissiaq suliarneqarsinnaava?

13.4 Konto pingaarneq 72.06.51 Inissianik tunisineq – ilanngaaseereerluni tunniussineq

- a) Konto pingaarnermut atatillugu iluarsaanermit inisseeqqittarnermullu pilersaarummi suliartoqarsimava?
- b) Namminersorlutik Oqartussat inissiaataasa assigiinngitsut qanga kingullermik iluarsaaneqarsimanerannut takussutissiaq pigineqarpa?

13.5 Konto pingaarneq 72.10.16 Inissiat attartortittakkat ingerlanneqarnerat, aningaasaliissutinit iluanaarutit

Errorsisarfiit ataatsimoorussat atorunnaarsinneqarnerat najukkami innuttaasut peqqissusianut qanoq kinguneqarsimansoq Naalakkersuisunit misissoqqissaarneqarsimava?

13.6 Konto pingaarneq 72.20.02 Kalaallit Nunaanni tv-kkut radiukkullu aallakaatitanik siammartarineq

- a) KNR 2 pillugu siunissamut pilersaarusiortoqarsimava?
- b) FM-ikkut aallakaatitsineq innuttaasut 99 %-iisa missaasa tusarnaarsinnaagaat Naalakkersuisut paasissutissivissutigaat. 1 %-it tusarnaarsinnaanngitsut kikkuppat?

13.7 Konto pingaarneq 72.20.03 Nalunaarasuartaateqarnermi maalaaruteqartarfik

Nalunaarasuartaateqarnermi maalaaruteqartarfiup ingerlanneqarneranut nalunaarasuartaateqarnermik ingerlatsisut kisimik akiliisarpap?

13.8 Konto pingaarneq 72.20.05 Ilaasunik angallassinermut tapiissutit

- a) Suliassaqarfik nukittorsarniarlugu aningaasaliissutit amerlinagit aalajangiusimaneqarnerannut suna tunngaviua?
- b) Aningaasaliissutit ilaat nunatta kujataanut tunngassusillit ikilineqarnerannut suna tunngaviua?
- c) Air Greenlandimik piginnittuunermut Naalakkersuisut qanoq anguniagaqarpap?

13.9 Konto pingaarneq 72.20.10 Usinik assartuineq

- a) Post Danmarkip Post Nordimit tiguneqarnera nunatsinni akinut qanoq kinguneqarpa?

- b) Ingerlaarfiit assigiinngitsut konto pingaarneq una aqputigalugu sullinneqartut qanoq akeqarpat?
- c) Umiarsuit nunaqarfiliartaatissat sumut killippat?
- d) Konto pingaarnermi matumani aningaasanik atunngitsuukkanik katersuisoqarpa?

13.10 Konto pingaarneq 72.26.02 Mittarfeqarfiit

- a) Suliaqarfiit Mittarfeqarfiit aningaasartuutigisartagaannik apparsaaqataasinnaasut nasaariniarlugit suliaqartoqartoq Naalakkersuisut paasissutissiissutigaat. Suliaq tamanna sumut killippa?
- b) Mittarfiit, heliportit, helistopit il.il. ingerlanneqarnerat qanoq akeqarpa?
- c) Kangerlussuarmi Narsarsuamilu akunnittarfiit tunniunneqarnissaat, tunineqarnissaat attartortinneqarnissaalluunniit qaqugu pisussatut naatsorsuutigineqarpa?
- d) Mittarfinnik nutaanik sanaartornerup nassatarisaanik Mittarfeqarfiit isertitai pillugit qanoq naatsorsuutiginnittoqarpa?
- e) Akunnittarfiit il.il. ilanngunnagit Mittarfeqarfiit mittarfinnuinnaq aningaasartuutaat qanoq amerlatigippat?

14. Suliassaqarfik 73 – 77 Pinngortitamut, Avatangiisinut Nukissiuuteqarnermullu Naalakkersuisoq

14.1 Konto pingaarneq 73.01.01 Pinngortitanut, Avatangiisinut Nukissiuuteqarnermullu Naalakkersuisoqarfik

- a) Upalungaarsimanissamik suliat eqqarsaatigalugit soqutigisat akerleriissinnaanerat ilanngullugu eqqarsaatigineqarsimava?

14.2 Konto pingaarneq 73.94.02 Nukissiorfiit

- a) Nukissiorfinnut tapiissutit 2011-mili unitsikkartuaarneqarnerat pilersuinnermut akinullu qanoq sunniuteqassava?

14.3 Konto pingaarneq 73.94.03 Nukissiorfiit, aqqusinermi qaammaqquteqarneq

- a) Qaammaqqutit sarfanik sipaarutit atorneqarnissaat pillugu qanoq iliuseqartoqarpa?
- b) Aqqusinermi qaammaqquteqarnermik suliassap kommunitut suli nuunneqarsimanninneranut suna pissutaava?

14.4 Konto pingaarneq 73.94.04 Nukissiorfiit, erniat aamma 73.94.05 Nukissiorfiit, akilersuutit

- a) Nukissiorfiit akilersuutinut ernianullu akiliuttat Nukissiorfiit ingerlanneqarnerannut qanoq sunniuteqarpat?

14.5 Konto pingaarneq 73.95.02 Erngup nukinganik misissueqqaarnerit aamma 73.95.04 Nukissiuutit ataavartussat, nukissiuutitigut pitsannorsaanerit aamma silap pissaa eqqarsaatigalugit ineriartortitsinissamut suliniutit

- a) Nukissiuutinik ataavartunik allanik ataatsimut isigalugu assersuutigalugulu nunaqarfinni pilersitsinissaq eqqarsaatigalugu Naalakkersuisut qanoq pilersaaruteqarpat?
- b) Erngup nukinganik maanna misissuinerit misissuinissallu killiffiat paasissutissiisutigineqassasoq qinnutigineqarpoq.
- c) Suliassaqarfimmut aningaasanik naammattunik immikkoortitsisoqarsimasoq Naalakkersuisut isumaqarpat?
- d) Erngup nukinganik nukissiorfiit imermik naammattumik pilersorneqarnissaat Naalakkersuinit qanoq qulakkeerniarneqarpa?
- e) Konto pingaarup uuma konto pingaarnerullu 73.95.04-p, Nukissiuutit ataavartussat, nukissiuutitigut pitsannorsaanerit aamma silap pissaa eqqarsaatigalugit ineriartortitsinissamut suliniutit, ataatsimoortinneqarnissaat pitsaaquteqassava?

14.6 Konto pingaarneq 73.95.03 Nukissiornermut kisitsisitigut paasissutissat aamma mingutsitsisunik aniatitsinermut naatsorsuutit

- a) Suliassat sumut killippat?
- b) Nukissiornermi kisitsisitigut paasissutissat aammalu mingutsitsisunik aniatitsinermut naatsorsuutit suna aqutigalugu tamanut takusassarineqarpat?

14.7 Konto pingaarneq 73.95.04 Nukissiuutit ataavartussat, nukissiuutitigut pitsannorsaanerit aamma silap pissaa eqqarsaatigalugit ineriartortitsinissamut suliniutit

- a) Aningaasat suliniutit seqinnermut, anorimut imermullu tunngasunut atorneqarnerat suliassami kisitsisitigut takuneqarsinnaanissaat ataatsimiititaliamit ujartorneqarpoq.
- b) Konto pingaarnermi matumani aningaasaliissutit amerlineqarnissaat Naalakkersuisunit isumaliutigineqarsimava?

14.8 Konto pingaarneq 73.95.06 Alapernaarsuineq suliniuteqarnerillu. silap pissusaanut nukissiorfinnullu suliassaqarfik

- a) Aningaasat atorneqarnerannut suliassami kisitsisit ataatsimiititaliamit ujartorneqarput.
- b) Silap pissusaanut tunngasumik aningaasaateqarfiit atorneqarnissaannut Naalakkersuisut qanoq iliuseqartarpat, taamaassimappallu atorneqarnerat qanoq annertutigaa?

14.9 Konto pingaarneq 77.01.02 Aatsitassanik Suliassaqarfinnut Avatangiisinut Aqutsisoqarfik

Aatsitassat pillugit Inatsisartut inatsisaata allanngortinneqarneranik Inatsisartut inatsisissaatut siunnersuutissaq konto pingaarnermut matumunnga qanoq kinguneqassava?

14.10 Konto pingaarneq 77.01.05 Qaartiterutit, qatserisartoqarneq sillimaniarnerlu

Suliassaqarfimmik nakkutilliinerup nunaqarfinni illersoneqarsinnaasumik ingerlanneqarnissaa Naalakkersuisunit qanoq qulakkeerreqartarpa?

14.11 Konto pingaarneq 77.03.03 Ilulissat Kangia, Ilua Timaalu – Nunarsuarmit kingornut-tagaasa nakkutigineqarnera

Aningaasaliinermi siunertarinqartumut sanilliullugu suliassap isumagineqarnera qanoq ingerlava?

14.12 Konto pingaarneq 77.05.01 Eqqakkanut tunngasut. ingerlatsineq

- a) Aningaasartuutit R 2015-imi sooq taama ikitsigisimappat?
- b) Sineriammi ikuallaaveqarneq pillugu Naalakkersuisut qanoq pilersaaruteqarpat aammalu avatangiisit peqqinnissarlu eqqarsaatigalugit illersoneqarsinnaasumik eqqagasalerineq qitiutinneqarpa?
- c) Eqqakkanik immikkoortitsisarnissaq pillugu Naalakkersuisut qanoq pilersaaruteqarpat?

14.13 Konto pingaarneq 77.05.02 Pinngortitaleriffik

- a) Ilisimatusarnermik suliniutit suut ingerlanneqarsimappat?
- b) Ilaatigut inuiaqatigiinnut pisussaaffiit pingaarnerutinneqarnissaannik missingersuutitut ilanngussami allassimasoq Naalakkersuisut qanorpiaq isumaqartippaat?
- c) Pingaarnersiunerit qanoq ittut ingerlanneqarsimappat suliniutillu suut aallartinneqarsimppat?
- d) Aalisarneq nunatsinni inuussutissarsiutit suli pingaarnersaraat. Aalisarnerup iluani uumassusilinnik Pinngortitaleriffiup nakkutilliinermik suliaqarnera pitsanngorsarniarlugu, nukittorsarniarlugu annertusarniarlugu Naalakkersuisut qanoq iliuseqarpat?
- e) Amerlanerusunik aningaasaliissuteqarnikkut Kalaallit Nunaata imartaanik atorluuarnermik pitsanngoriaataassasoq Naalakkersuisut naliliippat?
- f) 200 sømilit iluini aalisakkat sorliit pitsaannerusumik iluaqutiginiarneqarsinnaappat?
- g) "Paamiut" aamma "Sanna"-p attartortinnerini isertitat qanoq amerlatigippat aammalu Pinngortitaleriffiup umiarsuarnik misissuutitik pisariaqartitsinera umiarsuit taakku marluk matussuserpaat?
- h) Ilisimatusartussanik ilinniartitsinemik aammalu ilisimatusartut attaveqatigiilernissaannik pingaartitsineq taaneqartoq sumut killippa?
- i) Suliassami kisitsinut takussutissiami ataatsimiinnerni allattugaatit saqqummersinneqanngitsut taaneqarput. Taakku qanoq paasineqassappat?
- j) "Paamiut"-tut ittut umiarsuit misissuutit qanoq akeqarpat?

- k) "Sanna" qanoq akeqarsimava?
- l) Umiarsuit misissuutit taakkua marluk ingerlanneqarnerat qanoq akeqarpa?

14.14 Konto pingaarneq 77.05.03 Avatangiisit. uuliaarluernernik akiuinnermut atortunik pisi-
nermut tapiissutit

- a) Illoqarfinni taaneqartuni 12-ini uuliaarluertoqarsinnaaneranut atortut sulisullu naam-
mattutut Naalakkersuisunit isigineqarpa?
- b) Heavy fuelimik uuliaarluerneq qanoq passunneqartarpa?
- c) Taaguut heavy fuel kalaallisut naapertuunnerusumik nutserneqarsinnaava, oqaasermi
"heavy" annertussutsimut angissutsimulluunniit nalinginnaasumik atorneqarneq
ajormat?
- d) Uuliaarluernermi akiuinnermut atortut pigineqartut umiarsuit angisuut ajutoortillugit
atorneqarsinnaappat imaluunniit naammangillat?

14.15 Konto pingaarneq 77.05.07 Avatangiisit innarlitsaaliorneqarnerat
Aningaasat suliniutinut taaneqartunut qanoq agguataarneqarpa?

14.16 Konto pingaarneq 77.05.08 Avatangiisinut atortunut tapiissutit
Aningaasaliissutit suliniuteqarfinnut suliniutinullu allanut sorlernut atorneqarpa?

15. Suliassaqarfik 80-89 Ineqarnermut, Sanaartornermut Attaveqarnermullu Naalakkersuisoq

15.1 Konto pingaarneq 82.20.02 Pisariillisaaneq-suliniut, ERP

Suliffeqarfik sorleq pilersuisussatut toqqarneqarsimava aammalu suliniut pilersaarut malil-lugu ingerlava?

15.2 Konto pingaarneq 83.30.12 Utoqqaat angerlarsimaffii

- a) Puigortunngortunut angerlarsimaffimmik pilersitsinissaq Naalakkersuisunit isu-maliutigineqarsimava?
- b) Utoqqarnut inissianik pilersitsinissaq Naalakkersuisunit isumaliutigineqarsimava?

15.3 Konto pingaarneq 84.40.10 Kommunini atuarfiit

- a) Qup. 581-582-imi takussutissiat immersorneqarsimannginnerat missingersuutit B-t suliarineqarsimannginnerannik taamaallaat pissuteqarpa?
- b) Sanaartukkat naammassineqarnissaasa kingusinaarunneqartarnerannut suut pissutaa-nerusarpat?

15.4 Konto pingaarneq 84.40.14 Kulturimut timersornermullu atugassanik sanaartorneq

- a) Aningaasaliissutigineqartunik annertussusiliinertik Naalakkersuisunit qanoq ingerlappaat?
- b) Naalakkersuisut isumaqarpat aningaasaliissutit pisariaqartitsinivimmuut ersersitsi-suusut?

15.5 Konto pingaarneq 84.40.15 Ilinniartut inaannik sanaartorneq

- a) Illoqarfinni sorlarni sanaartornissaq naatsorsuutigineqarpa?
- b) Ilaqutariinnut inissiat ilinniartut inaattut atorineqartarunnaarpat?
- c) Ilinniartut inaat qanoq amerlatigisut ilaqutariinnut iniuppat?
- d) Ilinniartut inaannik pisariaqartitsineq sumi annertunerpaava?
- e) kvm-imut akit assigiinngissutaat qanoq annertutigisinnaasarpat?

15.6 Konto pingaarneq 84.40.17 Meeqqanik inuusuttunillu paaqqinnittarfiit

- a) Illoqarfinni sorlarni sanaartornissaq naatsorsuutigineqarpa?
- b) Sanaartugassat aalajangersimasut ilanngunneqarsimannginnerannut suna tunngaviua?
- c) Kommunit kissaataannik tigusaqartoqarsimava?
- d) Ulluunerani paaqqinniffinni inissat nunatta karsianit tamarmik akilerneqassagaluar-pata qanoq akeqassava?

15.7 Konto pingaarneq 85.50.20 Takornariatitsinermi sanaartorneq

- a) Ilulissat kangiani sullissiviup ukiumi ingerlatsiviusumi siullermi ukiumut akiliute-qarluni pulaartunik 17.000-nik takuniarneqartarnissaa naatsorsuutaasoq, tamatumalu kingorna amerliartornissaat naatsorsuutigineqartoq Naalakkersuisut paasissutissiisu-tigaat. Ingerlatsinermut aserfallatsaaliinermullu pisortat tapiissutissaat suminngaanniit pissarsiarineqassanersut paasissutissiissutigineqassasoq ataatsimiititaliamit kissaatigi-neqarpoq.
- b) Takornarianik sullissiviit ataatsimut pilersaarutiginissaat sooq pilersaarutaanersoq paasissutissiissutigineqassasoq ataatsimiititaliamit kissaatigineqarpoq.
- c) Nunap immikkoortuini takornarianik sullissiviit pilersinneqarneranni kikkut peqataa-sussatut naatsorsuutigineqarpat?

- d) Takornarianik sullissiviit nunanit tamalaaneersunit tikinneqartartunut piunasaqaatinik eqquutsitsinissaat naatsorsuutigineqarpa?
- e) Takornarianik sullissiviit pisortatigoortumik nunat tamalaat akornanni akuerisaasunik sullisseriaatsinik atugaqarnissaannut piunasaqaateqarfigineqassapat?
- f) Takornarianik sullissivinni sulisussanik pikkorissaanissaq ilanngullugu pilersaarusanut ilaappat?

15.8 Konto pingaarneq 86.60.01 Peqqinnissaqarfik

DIN-imi siniffiit inissat amerlineqarnissaat pilersaarutaava?

15.9 Konto pingaarneq 87.11.09 Assartuussineq pillugu Isumalioqatigiissitaq - misissueqqaarnerit

- a) Kalaallit Airportip pilersinneqarnera Assartuineq pillugu Isumalioqatigiissitap isumaliutissiissutaanut naapertuuppa?
- b) Kalaallit Airportip pilersinneqarnera konto pingaarnermut matumunnga qanoq kinguneqassava?
- c) Konto pingaarnermi matumani aningaasaliissutit siunertanut sorpianut siorna ator-neqarpat?

15.10 Konto pingaarneq 87.72.22 Nunaqarfinni isorliunerusunilu inissialiortiternermut pilersaarut

- a) Nunaqarfinni isorliunerusunilu sorlorni 2016-imi sanaartortoqarpa?
- b) Sanaartukkani taakkunani seqerngup qinngorneranik nukissiuutit ator-neqarnissaat isumaliutigineqarsimava?
- c) Sanaartukkani taakkunani SIKU-blokkat ator-neqarsinnaanerat isumaliutigineqarsimava?

15.11 Konto pingaarneq 87.73.10 Umiarsualiviit

- a) Kangerlussuarmi nutaamik umiarsualiviliornissamik pilersaarutit qanoq ingerlappat aammalu siunertamut aningaasat qanoq amerlatigisut immikkoortinneqartussat naatsorsuutigineqarpat?
- b) Kangerlussuarmi nutaamik umiarsualiviniornissaq pilersaarutitut ilaatinneqarpa aammalu siunertamut aningaasat qanoq amerlatigisut immikkoortinneqartussat naatsorsuutigineqarpat?

15.12 Konto pingaarneq 89.71.40 Nukissiorfiit, sanaartornermut taarsigassarsiaritit

- a) Qorlortorsuami erngup nukinganik nukissiorfiup imermik pilersorneqarnera anner-tusarniarlugu sulinermit savaateqarnermik inuussutissarsiuteqarneq qanoq sunner-neqassanersoq Naalakkersuisunit misissorneqarsimava?
- b) Qorlortorsuami erngup nukinganik nukissiorfiup suliarineqarneranut aningaasanik naammattunik immikkoortitsinissaq Naalakkersuisunit qulakkeerneqarsimava, taamaaliornikkut siumut naatsorsuutiginnisamik aningaasaleeqqittariaqarnerit pinn-gitsoortinniarlugit?
- c) Tasiilami erngup nukinganik nukissiorfiup allilerneqarnissaanut pilersaarutitut atil-lugu Tasiilami aalisakkerinermik ingerlatsinerup annertuseriarsinnaanera Naalak-kersuisunit ilanngullugu eqqarsaatigineqarsimava?

15.13 Konto pingaarneq 89.72.11 Nammineq inissianik tapiissutitalimmik sanaartor-neq

- a) 20/20/60-imik aaqqissuussinerup allanngortinnissaa Naalakkersuisunit pilersaarutigineqarpa?

15.14 Konto pingaarneq 89.72.12 Inissialiassat taartissanillu inissialiortiterneq

Ataatsimiititaliap Kommune Kujallermut tikeraarnerani paasissutissiissutigineqarpoq blokit inissiat assigiit isaterneranni aki piffissap sivikitsup iluani 2 mio. kr.-init 6 mio. kr.-inut qaf-fassimasoq. Suliffeqarfiit sanaartortut sanasullu amigaataanerannik ajornartorsiut qanoq anertutigaa, tamannalu sanaartornermi akinut qanoq sunniuteqarpa?


Naalakkersuisut akissuteqarnissaat ataatsimiititaliamit qilanaarineqarpoq. Tassunga atatillugu apeqqutitut siuliani allassimasunut akissutigisamik siornagut apeqqutit oqaaseqaatillu akissuteqarfigineqartut Naalakkersuisut (naatsumik) issuartassagaat ataatsimiititaliamit qinnutigineqassaaq.

Allakkiamut matumunnga akissut kingusinnerpaamik sisamanngornermi ulloq 22. september 2016, nal. 12.00 Aningaasaqarnermut Ataatsimiititaliamit tiguneqareersimasussanngorlugu kalaallisut danskisullu kiisalu elektroniskimik saam@inatsisartut.gl-imut nassiuteq-quneqarpoq.

Akissutit Aningaasaqarnermut Nunamullu Namminermut Naalakkersuisoqarfimmut nassiunneqassapput, tassani akissutit katersorneqassapput apeqqutillu tamarmik tamakkiisumik akineqarsimanersut misissorneqarlutik tamatumalu kingorna akissut Aningaasaqarnermut Ataatsimiititaliamut nassiunneqarluni.

Allakkiaq una aamma elektroniskimik oedfu@nanoq.gl-imut nassiunneqarpoq.

Ataatsimiititaliaq sinnerlugu



Jens Immanuelson

Aningaasaqarnermut Akileraartarnermullu Ataatsimiititaliap Siulittaasua